

BESLUITEREGISTER

1. ALGEMENE SINODE

1.1 AANBEVELINGS / VOORSTELLE VOOR DIE ALGEMENE SINODE (vgl Agenda Deel I bl 484, A.6.4.4 Verslag van die Algemene Taakspan Fondse, pt 10.4 asook Agenda Deel II bl 7) (Notule bl ...)

Die Algemene Sinode besluit dat geen voorstel ontvanklik sal wees, tensy dit kan aantoon dat dit aan die volgende vereistes voldoen nie:

Een: Voldoen dit aan Artikel 43?

Twee: Pas dit by die Roepingsverklaring en prioriteite van die Algemene Sinode in?

Drie: Wat is die finansiële implikasie van die voorstel?

Taakspanne/ Diensgroepe

1.2 AARD EN SELFSTANDIGHEID VAN SINODES (vgl Agenda Deel I bl 9, A.1.1 Verslag van die Moderamen, pt 8.6, Agenda Deel II bl 10 asook Aanvullende Verslae bl 2 pt 1) (Notule bl ...)

1. Die Algemene Sinode wysig Kerkorde Artikel 43.1.1 gewysig word om te lui: "Die formulering van die roeping / leidende beginsels / standpunte in sake van gemeenskaplike belang soos gereformeerde teologiese oortuigings, Bybels-etiese uitgangspunte en ekklesiologiese verantwoordelikhede en –praktyke, wat deur alle kerkvergaderings kragtens hulle deelname aan die verband gevolg moet word."

Taakspanne/ Diensgroepe

2. Met betrekking tot Kerkorde Artikel 43.1.2 en 43.1.6 besluit die Algemene Sinode dat 'n sinode wat in 'n staat buite die Republiek van Suid-Afrika funksioneer (bv Namibië), die openbare getuienis en die verhouding en ooreenkomste met die staat en ander lewenskringe, namens die kerkverband (Algemene Sinode), in daardie gebied kan behartig.

3. Die Algemene Sinode voeg 'n nuwe besluit 70b.6 EKUMENE IN ANDER STAATKUNDIGE BEDELINGS in:

***1 Aan samestellende sinodes wat in state buite die Republiek van Suid-Afrika is, (bv Namibië) word die reg verleen om selfstandige ekumeniese verhoudinge aan te gaan en uit te bou binne die raamwerk van die besluite van die Algemene Sinode.**

***2 In die aanwysing van afgevaardigdes na ekumeniese liggame, moet die Algemene Sinode rekening hou met die feit dat die algemene sinodale verband in verskillende state funksioneer.**

4. Die Algemene Sinode doen die volgende byvoeging by Besluit 70b.6 (wat nou 70b.7 word) : By volle lidmaatskap voeg by: *10. Council of Churches in Namibië.

5. Die Algemene Sinode dra dit aan die ATF op om in die begroting, rekening te hou met die kostes van sinodes in state buite die Republiek van Suid-Afrika, om die werk van die algemene sinodale verband in stand te hou.

Moderamen/ ATF

1.3 ALGEMENE SINODE (vgl Aanvullende Verslae bl 66-67 Beskrywingspunt B.1.2 (Noord-Kaap) asook T.7.2 Tweede Verslag van die Tydelike Taakspan Regte pt 2.1 bl 3) (Notule bl ...)

1. Die Algemene Sinode neem op advies van die Tydelike Taakgroep Regte kennis dat hierdie beskrywingspunt nie op die voorgeskrewe tyd in terme van die Kerkorde (2004) Reglement 15.6.2 ingehandig is nie, en dat die Sinode daarom oor die ontvanklikheid van hierdie beskrywingspunt moet besluit volgens die Kerkorde (2004) Reglement 15.6.3.

2. Die Algemene Sinode besluit om die Beskrywingspunt in ontvangs te neem en verwys die Beskrywingspunt na die ATR vir aanbeveling by die volgende Algemene Sinode. Sinodes kan kommentaar aan die ATR stuur.

3. Die Algemene Sinode neem kennis dat Noord-Kaap die deel van die Beskrywingspunt wat oor KO Art 43 handel, terugtrek in die lig van die besluite wat die Algemene Sinode reeds hieroor geneem het.

ATR/ Sinodes

1.4 DIENSGROEPE/ TAAKSPANNE VAN DIE ALGEMENE SINODE (vgl T.1.1 Kommissie vir Diensgroepe en Taakspanne) (Notule bl ...)

1. Die Algemene Sinode verander die samestelling van die aantal Diensgroepe in die lig van die feit dat die huidige Diensgroep Ondersteuningsdienste nie funksioneel kon wees nie.

2. Die Algemene Sinode besluit om by die volgende Diensgroepe/ Taakspanne se samestelling by te voeg "een NG Kerk-dosent van elk van die Teologiese Fakulteite by ADD, ADGO, Taakspan Regte, Taakspan Leer en Aktuele Sake."

ADD/ ADGO/ ATR/ ATLAS

3. Die Algemene Sinode besluit om Beskrywingspunt B.6.3 (Vergelyk Agenda Deel I bl 496 en Agenda deel II bladsy 28 Punt 3 Beskrywingspunt 6.2) te aanvaar wat lui:

"Die Algemene Sinode besluit om die samestelling van die Algemene Sinode se Taakspan vir Leer- en Aktuele Sake (ATLAS) by die sitting van die Algemene Sinode in 2007 te hersien, en wel op so 'n wyse dat elke Sinodale Kommissies vir Leer en Aktuele Sake (of die "diensgroep" of "taakspan" in 'n betrokke Sinode wat dié sake behartig) direk deur sy eie verteenwoordiger(s) op ATLAS verteenwoordig word."

ATLAS

4. Die Algemene Sinode besluit om die twee kerkraadslede (nie-gelegitimeerdes) op die Moderamen soos volg te verkies:

4.1 Die Kommissie vir Diensgroepe en Taakspanne vorm 'n voorlopige groslys van kerkraadslede.

4.2 Die vergadering kan per groslysbriefie aanvul indien nodig.

4.3 Die vergadering stem elektronies.

5. Die Algemene Sinode besluit om die Diensgroepe/ Taakspanne soos voorgelê, goed te keur.

1.5 DIENSGROEPE: SAMESTELLING VAN (vgl Notule bl ...)

1. Die Algemene Sinode besluit om in die samestelling van sy verskillende diensgroepe jonger lidmate in te sluit.

2. Die Algemene Sinode versoek die sinodes om in die samestelling van sy:

2.1. Afvaardiging na die Algemene Sinode jonger lidmate (leraars en kerkraadslede) in te sluit

2.2. Verskillende diensgroepe jonger lidmate in te sluit

Sinodes

1.6 KO ART 43 EN DIE TAAK VAN DIE ALGEMENE SINODE (vgl Agenda Deel I bl 8, A.1.1 Verslag van die Moderamen, pt 6.5 asook Agenda Deel II bl 10 pt 1) (Notule bl ...)

1 Die Algemene Sinode besluit om Art 43.2.2 te wysig om te lui: "die koördinering van sake wat voortvloei uit Art 43.1.1"

2 Die Algemene Sinode wys Sinodes asook die Diensgroepe/Taakspanne van die Algemene Sinode op die beredenering oor die werk van die Algemene Sinode en Sinodes in die Agendas van 2002 en 2004.

Sinodes/ Taakspanne/ Diensgroepe

1.7 NAAM VAN DIE MODERAMEN (vgl Agenda Deel I bl 446, A.6.1 Verslag van die Moderamen pt 1.5.3 asook Agenda Deel II bl 28 pt 2) (Notule bl ...)

Die Algemene Sinode keur die naamsverandering van die Algemene Diensgroep Leiers na Moderamen goed.

Moderamen

1.8 REËLMAAT VAN VERGADERINGE VAN DIE ALGEMENE SINODE (vgl Agenda Deel I bl 485, A.6.4.4 Verslag van die Algemene Taakspan Fondse, pt 11.5 asook Agenda Deel II bladsy 29 pt 8) (Notule bl ...)

Die Algemene Sinode besluit om gewone vergaderinge van die Algemene Sinode elke vier jaar te hou.

Moderamen

1.9 VERKIESING VAN DIE MODERATUUR (Noord-Kaap) (vgl Agenda Deel I B.6 Beskrywingspunte B.6.1, bl 496, T.7.1 bl 13 pt 5.3) (Notule bl ...)

Die Algemene Sinode besluit om die beskrywingspunt na die ATR te verwys vir studie en rapport aan die volgende Algemene Sinode.

ATR

1.10 VRYWARING VAN AANSPREEKLIKHEID (vgl Agenda Deel I bladsy 460, A.6.4.1 Verslag van die Algemene Taakspan Regte, pt 4 asook Agenda Deel II bl 28 pt 4) (Notule bl ...)

Die Algemene Sinode besluit om die ATR te versoek om verdere aanbevelings te doen met betrekking tot:

1 Duidelike omskrywing van wat verstaan word met die inhoud van KO Artikel 20.1 en 20.2 in terme van die gesag wat aan elke vergadering verleen word.

2 Duidelike formulering van die gesag wat van 'n meerdere vergadering aan 'n mindere vergadering gedelegeer word.

3. Die aanspreeklikheid vir kostes van appèlliggame word deur die ondersoekliggaam wat prosedurefoute begaan, gedra (vgl voorstel Notule bl ...)

ATR

1.11 WERKING VAN SINODE (vgl Notule bl ...)

Die Algemene Sinode versoek die ASM om:

1. Die moontlikheid te ondersoek na die moontlike skeiding tussen beleidsake aan die een kant en ander sake soos administratiewe- en bestuursaanleentehede aan die ander kant wat deur die ASM afgehandel kan word.
2. Om kriteria te ontwikkel waarvolgens onderskei kan word tussen beleidsake en ander sake soos in besluit 1 genoem.
3. Met behulp van die ATR die Kerkordelike implikasies van so 'n skeiding te bepaal;
4. Die volgende Algemene Sinode te adviseer in hierdie verband.

Moderamen/ ATR/ Diensgroepe en Taakspanne

1.12 WERKWYSE ALGEMENE SINODE: OORGANG (vgl Aanvullende Verslae bl 64 punt 4) (Notule bl ...)
Die Algemene Sinode neem kennis dat die nodige wysiginge aan die *Kerkorde* verreken is in die hersiening van die *Kerkorde*.

ATR

2. APPÈL

2.1 HANTERING VAN APPÈL: LLB GAUM (vgl Aanvullende Verslae bl 65 pt 6) (Notule bl ...)

Die Algemene Sinode:

- 1 neem kennis dat die appèlrekord en die ATR se reaksie daarop op gekontroleerde basis aan afgevaardigdes beskikbaar gestel is, met aanduiding van die streng vertroulike aard daarvan (embargo);
- 2 besluit dat na afhandeling van die appèl die stukke weer ingehandig moet word by die Algemene Sekretaris;
- 3 wys 'n tydelike appèlkommissie aan wat die Algemene Sinode sal adviseer oor die hantering van die appèl.

TYDELIKE APPÈLKOMMISSIE:

Die Algemene Sinode keur die Tydelike Appèlkommissie soos voorgestel deur die Agendakommissie en aangevul deur die vergadering, goed.

JH Ernst (sameroeper)

MF Prinsloo

PJSG du Plessis

H Fourie

H Theunissen

JJ Wessels

GF Claassen

EGJ de G Schutte

HAH van der Heever

DW Krüger

E Krüger

EP Büchner

Gekoöpteer: C du Plessis (Regskundige)

2.2 APPÈL LLB GAUM (Notule bl)

1. Die Algemene Sinode handhaaf die appèllant se appèl.
2. Die Algemene Sinode dra die koste van die verspreiding van die Appèlrekord.

3. ARGIEF

3.1 ARGIEF- EN INLIGTINGSWETGEWING (vgl Aanvullende Verslae bl 64 punt 5 soos gewysig deur ABID en TTR) (Notule bl ...)

Die Algemene Sinode versoek die nuwe ATR (Sameroeper) en ABID om aandag te gee aan die wet op toegang tot inligting en kennis te neem van die werkswinkel "Kerk en Staat" wat van 29 Oktober - 1 November 2007 in Stellenbosch gehou word. Die nuwe ATR moet sy bevindinge aan die Algemene Sinode voorlê met die oog op bepaling van die amptelike beleid van die NG Kerk hieroor.

ABID/ ATR/ Moderamen

3.2 ELEKTRONIESE BEWARING VAN DOKUMENTE (vgl Agenda Deel I bl 479, A.6.4.3 Verslag van die Algemene Taakspan Argief- en Bestuursinligtingsdienste, punt 6.4 asook Agenda Deel II bl 28, 29) (Notule bl ...)

- 1 Die optrede van Taakspan-ABID en die Algemene Sekretaris om die ooreenkoms soos deur die GSU (Mormone) voorberei en voorgelê - soortgelyk aan die oorspronklike ooreenkoms wat in 1999 deur die NG Kerk in SA en die NG Kerk van Transvaal onderteken is en wat voorsiening maak vir die beskerming van die NG Kerk se Intellektuele Eiendomsreg - te onderteken, word goedgekeur.

2 Die moontlike, gratis digitering van alle gemeentes se notules - veral handgeskrewe - wat ABID sou wou digiteer, word na die Taakspan-ABID verwys.

3 Taakspan-ABID gaan voort met 'n ondersoek na die moontlike digitering van alle kerklike dokumente/acta van die NG Kerk om dit vir navorsingsdoeleindes toeganklik te maak.

4 Taakspan-ABID onderhandel met die GSU en die Disa-projek in Durban vir die gratis digitering van kerklike dokumente en waar nodig word projekte met sensitiewe inhoud vir finale goedkeuring aan die ASM voorgelê.

ABID/ Moderamen

3.3 SENTRALISERING VAN GEMEENTELIKE REGISTERS (vgl Agenda Deel I bl 464, A.6.4.3 Verslag van die Algemene Taakspan Argief- en Bestuursinligtingsdienste, punt 4.3 asook Agenda Deel II bl 28) (Notule bl ...)

Die volgende word as vertrekpunt vir die sentralisering van die gemeentelike registers van die NG Kerk bepaal:

- 4.3.1.1** Die ASM lê die verslag aan die Algemene Sinode in sitting in Junie 2007 voor vir goedkeuring.
- 4.3.1.2** Die onderskeie streeksinodes lê die saak aan hulle gemeentes voor, verduidelik die doel/voordele en verkry die gemeentes se samewerking vóór 30.06.2008 en doen daarvoor aan die ASM verslag.
- 4.3.1.3** Die ASM gee voor die doeldatum vir die begin van die proses nl 01.07.2008 aan ABID opdrag al dan nie om met die projek te begin met die oog op die voltooiing van die proses - inwerkingstelling van die gesentraliseerde databasis en soekenjin - op 01.01.2009.
- 4.3.1.4** Elke streeksinode bepaal self hoe die jaarlikse tarief vanaf die gemeentes ingevorder sal word, wat aan die Algemene Sinode oorbetal word vir die diens wat deur die Argief en Bestuursinligtingsdiens van die NG Kerk [ABID] gelewer sal word.
- 4.3.1.5** ABID gaan nou reeds voort om:
- 4.3.1.5.1** met die diensverskaffer Infokerk te onderhandel,
- 4.3.1.5.2** geen finale ooreenkoms word aangegaan of aankope van rekenaar-tegnologie gedoen voordat die ASM nie aan ABID die opdrag gee - sien 4.3.1.3 hierbo - nie.
- 4.3.1.5.3** gemeentes aan te moedig om die ID-nommers van hulle lidmate-met-adresse te bekom en om lidmate wat nog nie in hulle databasisse ingesleutel is nie, terugwerkend in te sleutel.
- 4.3.2 Werking van die stelsel:**
- 4.3.2.1** ABID maak gebruik van 'n diensverskaffer (tans Infokerk) wat die "platform" skep vir die:
- 4.3.2.1.1** Opneem van lidmate in die stelsel
- 4.3.2.1.2** Implementering van 'n "elektroniese soek-enjin" by ABID waar gemeentes wat oor die tegnologie beskik, self die aanvrae/oorplasinge doen. Gemeentes wat nie daarvoor beskik nie, doen alle aanvrae/oorplasinge by/dmv ABID.
- 4.3.2.2 Opneem van data in die sentrale stelsel:**
- 4.3.2.2.1** Alle gemeentes van die NG Kerk se lidmaatbesonderhede/data van Doop- en Belydende Lidmate uit die bestaande registers+ ID Nommer word elektronies opgeneem in 'n sentrale databasis wat deur ABID bestuur (ontwikkel en instandgehou) word.
- 4.3.2.2.1.1** Lidmate/lidmaatbesonderhede word vir hierdie doel verdeel in:
- 4.3.2.2.1.2** Lidmate-met-adresse = dws lidmate tans in die gemeente en bekend
- 4.3.2.2.1.3** Lidmate-sonder-adresse = dws lidmate wat tans nie meer in die gemeente is nie (sterftes, vertrek, kerk-/land verlaat), sonder dat lidmaatskap amptelik oorgeplaas is. Alle lidmate onder **4.3.2.2.1.2** word ingevoer/opgeneem in sentrale databasis, terwyl slegs lidmate (sonder adresse) wat ná 1960 in die gemeente opgeneem is, in die sentrale databasis ingevoer/opgeneem word. Die res word in die geskrewe registers behou en uitgeskryf soos inligting met tyd beskikbaar word (soos *geamendeer JHG Gous/ GF Claassen*).
- 4.3.2.3 Elektroniese soektogte en -oorplasinge:**
- 4.3.2.3.1** ID-nommers en gekodeerde e-posboodskappe word gebruik wat onmiddellik deur die databasis/soekenjin verwek word. (Gemeente A → ABID-soekenjin → Gemeente B wat "klik" op ja/nee/hou oor → na ABID-soekenjin → Gemeente A)
- 4.3.2.3.2** ABID bestuur alle "uitsonderings", nl lidmate-sonder-adresse; gemeentes sonder nodige tegnologie; en gemeentes met eie/unieke lidmaatdatabasisse.
- 4.3.3 Die kostes verbonde aan die sentrale diens word soos volg gestruktureer:**
- 4.3.3.1** Aanvanklike Koste - Elke gemeente betaal vir die aanvanklike opneem/invoer van data na gelang van die huidige status van hul register-data (op Infokerk; in ander programme; slegs handregisters)
- 4.3.3.2** Maandelikse koste nadat data op/in stelsel opgeneem is na gelang van grootte van die gemeente:
- * Kleiner gemeentes: 1-750 siele R500.00 per jaar;
 - * Middel grootte gemeentes: 751-2999 siele R1,000.00 per jaar
 - * Groot gemeentes: 3,000-5,000 siele R1,400.00 per jaar
 - * Makro-gemeentes: 5,000+ siele R1,600.00 per jaar
- 4.3.3.3** Verhoging van koste word volgens die inflasiekoers bestuur.

4.3.3.4 Vordering van bedrae:- Bedrae word as 'n gedeelte van 'n sinodale aanslag deur die streeksinodes gevorder en aan ABID via die Algemene Sinode oorbetaal.

4.3.4 Deurlopende opdatering van data:- Alle opdaterings (dope; belydenisaflegging; sterftes; bedankings; rektifikasies) word soos volg hanteer:

4.3.4.1 Gemeentes met tegnologie: Maandeliks self afgesluit soos finansiële boeke en jaarliks gekontroleer met sertifisering deur kerkraadsargiefkommissie wat aan Ringsargiefkommissie sertifiseer dat alle opdaterings elektronies by die ABID-Soekenjin op datum is.

4.3.4.2 Gemeentes sonder elektroniese fasiliteite: Dieselfde as bó, met dié verskil dat die Kerkraadsargiefkommissie die sertifisering doen uit die korrespondensie tussen die gemeente en ABID.

4.3.5 Voordele van 'n gesentraliseerde stelsel vir gemeentelike registers:

4.3.5.1 Alle soektogte vind op net een punt plaas wat tyd, koste en frustrasie beperk.

4.3.5.2 Verhoogde effektiwiteit en produktiwiteit van kerkkantoorpersoneel wat nie meer tyd verspeel met week-/maandelange soektogte na lidmaatbesonderhede, terwyl daar toegang is tot statistiek wat vroeër nie beskikbaar was nie.

4.3.5.3 Géén jaarlikse registerafskrifte word meer ingedien nie.

4.3.5.4 Duisende lidmate-sonder-adresse word gevind en verwyder van gemeente se bedryfstelsels.

4.3.5.5 Voordele vir die NG Kerk

4.3.5.5.1 Die stelsel werk met 'n dag-tot-dag opgedateerde kontakadres vir elke gemeente wat:

4.3.5.5.1.1 Deur die Jaarboek gebruik kan word

4.3.5.5.1.2 Deur sinodes gebruik kan word om binne minute 'n groot gedeelte van die NG Kerk met inligting te bereik.

4.3.5.5.2 Data-analise moontlikhede van dag-tot-dag opgedateerde besonderhede oor getalle/ouderdomme/groepe:

4.3.5.5.2.1 Kerkspieël

4.3.5.5.2.2 Jaarboek

4.3.5.5.2.3 Bedieninge

4.3.5.5.2.4 Algemene Sinode se kommunikasiestelsel

4.3.6 Voortgaande ondersoek:

4.3.6.1 Ander "hosting"-moontlikhede word nog ondersoek wat kostebesparings kan bring

4.3.6.2 Veranderde tegnologie - 15 maande is 'n "leef tyd" en kan verbeterde voordele bring.

Kerkverband/ ABID

3.4 SENTRALE LIDMAATREGISTER (Notule ...)

(Vgl Agenda Deel I, ABID verslag bladsy 465 punt 4.3.2.2.1.3)

1. Die Algemene Sinode besluit dat slegs "lidmate-sonder-adresse" wat na 1960 in die gemeente opgeneem is, in die sentrale databasis ingevoer word.

2. Die Algemene Sinode versoek ADGO om 'n beleid en strategie op te stel waarvolgens 'n "vervaldatum" op lidmaatskap daargestel word vir "lidmate-sonder-adresse" d.w.s lidmate wat glad nie hulself by 'n gemeente voeg nie.

ABID/ ADGO

4. BUITELAND: BEDIENING

4.1 BEDIENING IN DIE BUITELAND (vgl Agenda Deel I bl 131, A.3.1 Verslag van die Moderamen pt 3.10 asook Agenda Deel II bl 17) (Notule bl ...)

1 Die Algemene Sinode besef dat die emigrasie van ons lidmate na die buiteland nie geskied sonder dat die Here nie ook hiermee 'n heilsame doel het nie. Die Algemene Sinode aanvaar daarom dankbaar dat die Here ook elders in die wêreld lidmate uit die NG Kerk wil gebruik om deur Woord en daad Christus aan die wêreld te verkondig. Terwyl hierdie emigrerende lidmate se geestelike versorging vir ons steeds na aan die hart lê en dat ons alles in ons vermoë wil doen om tot hulle sorg by te dra, wil ons nie die geleentheid laat verbygaan nie om hulle aan te moedig, te bemagtig en te ondersteun om waar hulle hul ookal tydelik of permanent vestig, daar by plaaslike gemeentes in te skakel en draers van God se Woord te wees.

2 Die Algemene Sinode vestig alle kerkvergaderings, ampte en lidmate op die NG Kerk se Beleid tov Buitelandse Bediening soos goedgekeur in 2004.

3 Die Algemene Sinode keur die reëlings wat vir Afrika geld tov die grense van sinodes, bestaande werksaamhede, versorging van NG lidmate asook uitreikaksies goed (vgl pt 3.4.4 in verslag).

Kerkverband/ Moderamen

5. BYBELVERTALING EN -VERKLARING

5.1 BYBELGENOOTSKAP (vgl Agenda Deel I bladsy 89, A.1.4.1 Verslag van die Algemene Taakspan Bybelvertaling, -verklaring en –verspreiding, pt 3.7 asook Agenda Deel II bl 12 pt 8) (Notule bl ...)

Die Algemene Sinode wil alle lidmate aanmoedig om deur volgehoue gebeds- en finansiële ondersteuning aktief by die verskillende projekte van die Bybelgenootskap van Suid-Afrika betrokke te raak.

Kerkverband

5.2 FUNKSIONERING VAN DIE TAAKSPAN ATBV ONDER ALGEMENE DIENSGROEP

ONDERSTEUNING (vgl Agenda Deel I bladsy 89, A.1.4.1 Verslag van die Algemene Taakspan Bybelvertaling, -verklaring en –verspreiding, pt 4.2 asook Agenda Deel II bl 12 pt 9) (Notule bl ...)

1. Personeel

1.1 Die Algemene Sinode bedank prof A B du Toit wat op sy besondere manier agtien jaar lank onbaatsugtige diens gelewer het op die Taakspan.

1.2 Die Algemene Sinode wys die volgende lede aan om vir die volgende termyn in die Taakspan ATBV te dien:

*** Deur NG Kerk Dosenterade aanbeveel: Ou Testamentici: prof HL Bosman (US), prof DJ Human (UP), prof SD Snyman (UV); Nuwe Testamentici: prof HJB Combrink (US), prof JG van der Watt (UP), prof HC van Zyl (UV).**

*** Deur VGKSA aanbeveel: prof PJJS Els (OT), prof GD Cloete (NT).**

*** Deur Bybelgenootskap van Suid-Afrika aanbeveel: ds GS Kritzinger en ds HJ Geyer.**

*** Vakkundiges deur ATBV aanbeveel: prof JA Naudé (Hebreeus/Vertaalkunde), prof CHJ van der Merwe (Hebreeus/Vertaalkunde), prof JA du Rand (NT), prof DF Tolmie (NT).**

2. Begroting

Die Algemene Sinode begroot vir die werksaamhede van die Taakspan ATBV.

ATBV/ ATF

5.3 BYBELVERTALING (vgl Agenda Deel I bl 86, A.1.4.1 Verslag van die Algemene Taakspan Bybelvertaling, -verklaring en –verspreiding, punt 1.4 asook Agenda Deel II bl 12 pt 6) (Notule bl ...)

1. Die Algemene Sinode betuig sy dank teenoor die Bybelgenootskap van Suid-Afrika en die betrokke vertaalspan vir die voltooiing van die Afrikaanse Bybel vir Dowes en doen 'n beroep om lidmate om die gebruik hiervan wyd aan te moedig.

2. Die Algemene Sinode neem met dank daarvan kennis dat die BSA besluit het om op versoek van die Kerklike Advieskomitee (Die Bybel in Afrikaans) voort te gaan met 'n volgende Afrikaanse vertaling van die Bybel (ABV).

3. Die Algemene Sinode neem met dank daarvan kennis dat die BSA geen direkte bydrae van onderskeie kerke vra nie, maar moedig ons eie lidmate en gemeentes aan om die projek finansiëel te ondersteun.

4. Die Algemene Sinode neem met dank kennis van die groot aantal lidmate wat as teoloë, brontaal- en doeltaalkenners en medewerkers betrokke is by die ABV. As sameroeper van so 'n groot en belangrike projek word prof Combrink insig en krag toegebied.

5. Die Algemene Sinode gee opdrag aan die ATBV om steeds sy volle medewerking aan die BSA te verleen vir hierdie groot projek.

ATBV

5.4 BYBELVERKLARING (vgl Agenda Deel I bladsy 87, A.1.4.1 Verslag van die Algemene Taakspan Bybelvertaling, -verklaring en –verspreiding, pt 2.4 asook Agenda Deel II bl 12 pt 7) (Notule bl ...)

1. Die Algemene Sinode versoek die ATBV om voort te gaan met die SGB-reeks en dit tot voltooiing te bring.

2. Die Algemene Sinode betuig sy dank teenoor Lux Verbi-Bybelmedia vir die diens wat gelewer word ten opsigte van die elektroniese- en ander vorme van publikasie van die SGB-reeks.

3. Die Algemene Sinode ondersteun die beoogde nouer samewerking met die VGKSA op die terrein van Bybelvertaling en –verklaring.

ATBV/ BM

6. DIENS EN GETUIENIS

6.1 OMSKRYWING DIENS EN GETUIENIS (vgl Agenda Deel I bl 83, A.1.3 Verslag van die ADGO, pt 1.2.2 asook Agenda Deel II bl 12 pt 5) (Notule bl ...)

Die Algemene Sinode:

1. Keur die verdere teologiese besinning oor die konsep “Diens en Getuienis” goed en versoek sinodes om die besinning na hulle kommissies en diensgroepe vir Diens van Barmhartigheid en Getuienis te verwys vir bespreking en kommentaar.

2. Versoek die Diensgroep om met die teologiese besinning voort te gaan in samewerking met die ander drie kerke in die NG Kerk-familie.

ADD/ Interim Kerkhereniging

7. DIENSVERHOUDINGE

7.1 ADMINISTRASIE VAN DIENSVERHOUDINGE BY DIE PERSONEEL VAN DIE ALGEMENE SINODE (vgl A.6.4.2 Algemene Taakspan Diensverhoudinge bl 1-2 pt 1.4 (*7) (Notule bl ...)

Die Algemene Sinode

- 1 keur die koppeling van ds Johann Symington as Direkteur Kommunikasie aan die kantoor van die Algemene Sekretaris (standplaas Pretoria) goed;**
- 2 keur die koppeling van die argivaris as Direkteur Argiefbestuur en –Inligtingsdienste aan die kantoor van die Algemene Sekretaris (standplaas Stellenbosch) goed;**
- 3 bevestig dat dr Johann Froneman as predikant van die Algemene Sinode met opdrag Argiefbestuur en –Inligtingsdienste benoem is en gee opdrag aan die aktuaris om, met verslag aan die ASM, die nodige dokumentasie te finaliseer;**
- 4 gee opdrag aan die Algemene Sekretaris om in oorleg met die ATKM en ATDV met die Sinode van Wes-Kaap oor die kontraktering van dr Ben du Toit vir die parlementêre lessenaar te onderhandel en die ASM met 'n aanbeveling oor 'n bevredigende reëling te adviseer.**

Moderamen/ ATKM/ ATDV

7.2 ARTIKEL 58 (vgl Agenda Deel I bl 497, Beskrywingspunte B.6.5 (Wes- en Suid-Kaap) asook T.7.2 bl 4 pt 2.3) (Notule bl ...)

Die Algemene Sinode verwys hierdie beskrywingspunt na die Algemene Taakspan vir Diensverhoudinge (ATDV)

ATDV

7.3 VERLOFREËLINGS (vgl A.6.4.2 Algemene Taakspan Diensverhoudinge bl 1 pt 1.2(*3) (Notule bl ...)

Die Algemene Sinode:

- 1. Herinner kerkrade en ander werkgewers daaraan dat die regsgeldigheid van ooreenkomste rakende die verlof van predikante in die gedrang kan kom indien dit van die bepalinge van Reglement 22 afwyk;**
- 2. Gee opdrag aan die ATR om, in oorleg met die ATDV die locus standi van Reglement 22 te heroorweeg in die lig van die behoefte van sommige kerkrade om aanpassings te onderhandel en daarvoor vir afhandeling aan die ASM verslag te doen.**

ATR/ ATDV/ Moderamen

8. EKUMENE

8.1 ALL AFRICA CONFERENCE OF CHURCHES (vgl Agenda Deel I bl 401, A.5.1 Verslag van die Moderamen, pt 3.2.2.5 (vgl Moderamen Bylaag 1 bl 410) asook Agenda Deel II bl 16 pt 1) (Notule bl ...)

Die Algemene Sinode besluit om aansoek te doen vir lidmaatskap van die AACC en dra dit aan die Moderamen op om die proses af te handel.

Moderamen

8.2 DRC IN SRI LANKA: BILATERALE VERHOUDING MET (vgl Agenda Deel I bl 408; A.5.1 Verslag van die Moderamen, pt 3.5.3.5 asook Agenda Deel II bl 16 pt 8) (Notule bl ...)

Die Algemene Sinode besluit om in terme van Kerkorde Artikel 70 formeel met die Dutch Reformed Church in Sri Lanka te onderhandel oor 'n formele bilaterale verhouding.

Moderamen

8.3 GER EN WARC (vgl Agenda Deel I bl 404, A.5.1 Verslag van die Moderamen, punt 3.3.1.4*6, (vgl Moderamen Bylaag 2 bl 413) asook Agenda Deel II bladsy 16 pt 4) (Notule bl ...)

Die Algemene Sinode keur goed dat een nuwe gereformeerde ekumeniese liggaam, die World Reformed Communion, tussen die GER en WARC gevorm word en dat die NG Kerk daarvan lid is.

Moderamen

8.4 HEIDELBERGSE KATEGISMUS VRAAG EN ANTWOORD 80 (vgl Agenda Deel I bl 403, A.5.1 Verslag van die Moderamen, pt 3.3.1.3*3, Agenda Deel II bl 16 pt 3 asook Aanvullende Verslae bl 27 pt 2.2) (Notule bl ...)

Die Algemene Sinode dra die studie oor die saak aan die Taakspan Leer en Aktuele Sake op met verslag aan die Moderamen en die volgende Algemene Sinode.

ATLAS/ Moderamen

8.5 NG KERKFAMILIE: MOONTLIKE LIGGAAM VIR KERKE VAN DIE BREËR NG KERKFAMILIE (vgl Agenda Deel I bl 402, A.5.1 Verslag van die Moderamen, pt 3.2.4.6 asook Agenda Deel II bl 16 pt 2) (Notule bl ...)

Die Algemene Sinode ondersteun die skep van 'n moontlike liggaam vir die kerke van die breër NG Kerk-familie met die uitdruklike verstandhouding dat dit 'n liggaam is wat (a) nie in die plek van die herenigingsproses in Suid-Afrika mag staan nie, en (b) instrument moet wees vir 'n groter herenigingsproses van die familie van NG kerke en ander Suider-Afrikaanse gereformeerde kerke.

Moderamen

8.6 PROTESTANTSE KERKE IN NEDERLAND: BILATERALE VERHOUDING MET (vgl Agenda Deel I bl 407, A.5.1 Verslag van die Moderamen pt 3.5.1.4 asook Agenda Deel II bl 16 pt 7) (Notule bl ...)

Die Algemene Sinode besluit om in terme van Kerkorde Artikel 70 formeel met die Protestantse Kerke in Nederland te begin onderhandel oor die herstel van 'n bilaterale verhouding.

Moderamen

8.7 REFORMED CHURCH IN HUNGARY: BILATERALE VERHOUDING MET (vgl Agenda Deel I bl 408, A.5.1 Verslag van die Moderamen pt 3.5.5.4 asook Agenda Deel II bl 16 pt 9) (Notule bl ...)

Die Algemene Sinode besluit om in terme van Kerkorde Artikel 70 formeel met die Reformed Church in Hungary te onderhandel oor 'n formele bilaterale verhouding.

Moderamen

8.8 UPCSА: EKUMENIESE BI-LATERALE VERHOUDING MET (vgl Agenda Deel I bl 407, A.5.1 Verslag van die Moderamen punt 3.4.8(*4) asook Agenda Deel II bl 16 pt 6) (Notule bl ...)

Die Algemene Sinode besluit om in terme van Kerkorde Artikel 70 formeel met die UPCSА te begin onderhandel oor 'n bilaterale verhouding.

Moderamen

8.9 VENNOOTSAPPE TUSSEN KERKE (vgl Agenda Deel I bl 434, A.5.3 Verslag van die Algemene Diensgroep Diens en Getuienis pt 3.3 asook Agenda Deel II bl 16 pt 10) (Notule bl ...)

Die Algemene Sinode

1. Herbevestig die sinodale indeling vir vennootskappe vir diens en getuienis binne die NG Kerk-familie in Afrika wat vroeër reeds goedgekeur is.

2. Keur dit goed dat 'n konferensie oor vennootskappe tussen kerke in die breë NG Kerk-familie in Afrika in 2008 gehou word.

Moderamen/ ADD

8.10 WÊRELDRAAD VAN KERKE: LIDMAATSKAP (vgl Agenda Deel I bladsy 406, A.5.1 Verslag van die Moderamen, punt 3.3.3.2 (vgl ook Moderamen Bylaag 3 en 4 bladsy 416) asook Agenda Deel II bl 16 pt 5) (Notule bl ...)

Die Algemene Sinode besluit om aansoek te doen vir lidmaatskap van die WRK en dra dit aan die Moderamen op om die proses af te handel.

Moderamen

9. EREDIENS

9.1 ARTIKEL 48.2 (vgl Aanvullende Verslae bl 19, A.3.4.1 Algemene Taakspan Regte pt 5.2) (Notule bl ...)

Die Algemene Sinode versoek die ATR om met Kerkorde Art. 48.2 te handel in die lig van die besluit van die Algemene Sinode by die studiestuk van ADGO oor Ekklesiologie.

ATR

9.2 HANDBOEK VIR EREDIENS (vgl Agenda Deel I bl 42, A.1.2 Verslag van die Algemene Diensgroep vir Gemeente-ontwikkeling, pt 3.3.1.1 (ADGO Bylaag 3B bladsy 62), asook Agenda Deel II bl 10) (Notule bl ...)

1. Die Algemene Sinode keur die Handboek vir die Erediens as liturgiese proefbundel goed.

2. Die Algemene Sinode dra dit aan die ADGO op om in die reses 'n deeglike evaluering van die bundel te doen met aanbevelings vir goedkeuring by die volgende sinode.

3. Die Algemene Sinode bevestig dat liturgiese ontwikkeling as 'n voortgaande proses beskou word en genoemde bundel nie as 'n afgeslote bundel gesien moet word nie.

ADGO

9.3 KERKMUSIEK (vgl Agenda Deel I bl 41, A.1.2 Verslag van die Algemene Diensgroep vir Gemeente-ontwikkeling, pt 3.1 (ADGO Bylaag 3A bl 59) asook Agenda Deel II bl 10) (Notule bl ...)

MUSIEK

Die Algemene Sinode ondersteun die werkwyse van FLAM en moedig sinodes aan om gebruik te maak van hierdie teologies- en musikaal-gekeurde eietydse liedere.

Sinodes

LIEDERE IN ANDER TALE

Die Algemene Sinode neem met dank kennis van die feit dat die tekste van liedere in ander tale, waarvan die melodieë in die Liedboek opgeneem is, op die kerk se webblad beskikbaar is.

SAMEWERKING MET VENNOTE

Die Algemene Sinode gee opdrag aan die ADGO dat daar met geskikte vennote saamgewerk moet word in die daarstelling van 'n professionele opleidings-DVD vir kontemporêre musici.

ADGO

BEVORDERING VAN KLASSIEKE MUSIEK

Die Algemene Sinode gee erkenning aan die behoefte met betrekking tot die bevordering van formele kerkmusiek en gee opdrag aan die ADGO en sy Projekspan vir Musiek om werksaamhede in hierdie verband voort te sit.

ADGO

BEGELEIDINGS-CD

Die Algemene Sinode versoek sinodes om gemeentes wat sukkel om geskikte orreliste te vind, aan te moedig om alternatiewelik van die hulp van die Begeleidings-CD-pakket gebruik te maak.

Sinodes

9.4 RITUEEL EN SIMBOOL

(vgl Agenda Deel I bl 63, A.1.2 Verslag van die Algemene Diensgroep vir Gemeent-ontwikkeling pt 2.3 (vgl ook ADGO Bylaag 3B bl 64) (Notule bl ...)

Die Sinode keur die studiestuk "Ritueel en Simbool" as riglyn goed vir gebruik deur gemeentes.

Kerkverband

10. FONDSE

10.1 FINANSIËLE BESTUURSBENADERING (vgl Agenda Deel I bl 480, A.6.4.4 Verslag van die Algemene Taakspan Fondse, punt 1.5 asook Agenda Deel II bladsy 29 pt 7) (Notule bl ...)

Die Algemene Sinode keur die bygewerkte Finansiële Bestuursbenadering goed.

Sinodes/ ATF/ Diensgroepe en Taakspanne

11. GEMEENTES

Nota: Terwyl die Algemene Sinode haar nie rig tot gemeentes nie, is daar bepaalde beleidsbesluite geneem wat gemeentes raak.

11.1 AANTREKLIKE BEDIENINGSTYLE VAN ANDER KERKE (vgl Agenda Deel I bl 288, A.3.2 Verslag van die Algemene Diensgroep vir Gemeente-ontwikkeling pt 10.2 (vgl ook ADGO Bylaag 10 bl 320) asook Agenda Deel II bl 18) (Notule bl ...)

1 Die Algemene Sinode neem kennis van die dokument.

2 Die Algemene Sinode onderskryf die feit dat die hantering van komplekse verskynsels nie lê in die daarstel van bloudrukke en rigiede modelle nie, maar juis in die herontdekking van ons teologiese identiteit, asook volwasse en Geesvervulde leierskap wat met wysheid geseën is.

3 Die Algemene Sinode versoek sinodes om gemeentes te vra om daarteen te waak dat 'n verbruikersmentaliteit nie aanbiddingsstyle sal bepaal nie.

Sinodes

11.2 ARMENIANISME– KONSEKWENSIES VIR DIE BEDIENING (vgl Agenda Deel I bl 40, A.1.2 Verslag van die Algemene Diensgroep vir Gemeente-ontwikkeling, punt 2.2 (ADGO Bylaag 2 bl 57) asook Agenda Deel II bl 11 pt 4) (Notule bl ...)

1. Die Algemene Sinode neem kennis van die werksdokument en beskou die opdrag as voorlopig afgehandel.

2. Die Algemene Sinode versoek die ADGO om in die ontwikkeling van gemeentes deurlopend, wat betref die saak onder bespreking, as gereformeerde gewete op te tree.

ADGO

11.3 ARTIKEL 3 (vgl T 7.3 bl 1-2 pt 1) (Notule bl ...)

Die Algemene Sinode keur die gewysigde Kerkorde Artikel 3 goed:

ARTIKEL 3

3.1 Dienswerk is deelname aan die werk wat God die Vader in Christus deur sy Gees in die wêreld doen om Sy koninkryk te vestig.

3.2 Elke lidmaat is deur God tot diens in die gemeente en wêreld geroep.

3.3 Lidmate kan afgesonder word om op 'n besondere wyse in een of meer van die gemeente se bediening diensbaar te wees.

3.4 Die volgende ampte word onderskei om amptelik leiding te neem:

- Dié van lerende ouderling of bedienaar van die Woord
- Dié van regerende ouderling
- Dié van diaken

3.5 Die ampte is gelykwaardig, maar word in opdrag en werk onderskei.

Kerkverband

11.4 EKKLESIOLOGIE (vergelyk Agenda Deel I bl 40, A.1.2 Verslag van die Algemene Diensgroep vir Gemeente-ontwikkeling, pt 1.3 (ADGO Bylaag 1 bl 44) asook Agenda Deel II bl 9 pt 1) (Notule bl ...)

Die Algemene Sinode keur die aanbevelings soos gewysig deur ADGO goed:

1 Die Algemene Sinode keur die dokument “‘n Afgebakende en praktiese gemeentelike ekklesiologie” as 'n gespreksdokument goed.

2 Die Algemene Sinode versoek die sinodes om die dokument op gepaste wyse te hanteer.

3 Die Algemene Sinode versoek ATR om in samewerking met ADGO te kyk na moontlike Kerkorde-implikasies en die Sinode met toepaslike aanbevelings te dien.

4 Die Algemene Sinode versoek ADGO om in samewerking met BM gepaste moontlikhede te ondersoek om die saak onder bespreking dmv publikasies bekend te stel.

ATR/ ADGO/ BM

11.5 INSKAKELING OOR GEMEENTEGRENSE (vgl Agenda Deel I bl 288, A.3.2 Verslag van die Algemene Diensgroep vir Gemeente-ontwikkeling pt 9.2 (vgl ook ADGO Bylaag 9 bl 318) asook Agenda Deel II bl 18) (Notule bl ...)

1 Die Algemene Sinode neem kennis van die werkdokument.

2 Die Algemene Sinode versoek sinodes om aan ADGO en ATR te rapporteer oor welke reëlings tans in die onderskeie sinodes geld rakende die inskakeling van lidmate oor gemeentegrense

3 Die Algemene Sinode versoek ADGO/ATR om 'n eenvormige beleid rakende die saak te formuleer wat voor die volgende sinode kan dien.

Sinodes/ ATR/ ADGO

11.6 KERKLIKE TUG (vgl Agenda Deel I bl 288, A.3.2 Verslag van die Algemene Diensgroep vir Gemeente-ontwikkeling pt 8.2 (vgl ook ADGO Bylaag 8 bl 318) asook Agenda Deel II bl 18) (Notule bl ...)

Die Algemene Sinode keur goed dat die opdrag herhaal word, nl dat ADGO en ATR ondersoek doen na die toepassing van die amptelike tug in die kerk op 'n eietydse wyse, en terug rapporteer aan die volgende sinodesitting.

ADGO/ ATR

11.7 KERKLIKE TUG (vgl T.7.1 bl 11 pt 4.8) (Notule bl ...)

Die Algemene Sinode besluit dat die saak by dieselfde ondersoek rondom Tribunale betrek word.

11.8 KERKRAADSLEDE: BEDIENINGSBEVOEGDHEID VAN (BESLUIT RING CRADOCK) (vgl Agenda Deel I bl 344, A.3.4.1 Verslag van die Algemene Taakspan Regte pt 13.2 asook Agenda Deel II bl 23) (Notule bl ...)

Die Algemene Sinode neem kennis van die verslag.

11.9 KLEIN GEMEENTES (vgl Agenda Deel I bl 287, A.3.2 Verslag van die Algemene Diensgroep vir Gemeente-ontwikkeling pt 7.2 (vgl ook ADGO Bylaag 7 bl 316) asook Agenda Deel II bl 18) (Notule bl ...)

Die Algemene Sinode beveel aan dat die saak van klein gemeentes verwys word na die ADGO en GDN om die nodige navorsing te doen en met behulp van sinodale gebiede waar baie klein gemeentes voorkom, te werk aan prosesse en bedieningsvoorstelle wat klein gemeentes op 'n konkrete wyse kan help. Die NG Kerk-familie moet so ver moontlik ook hierby betrek word.

ADGO/ Interim Kerkhereniging/ VDDG

11.10 LIDMAATBEMAGTIGING (vgl Agenda Deel I bl 286, A.3.2 Verslag van die Algemene Diensgroep vir Gemeente-ontwikkeling pt 2.2 (vgl ook ADGO Bylaag 2 bl 295) asook Agenda Deel II bl 18) (Notule bl ...)

Die Algemene Sinode keur goed dat 'n taakspan van ADGO met ATR in gesprek tree oor alle Kerkordelike bepalinge wat op een of ander wyse lidmate van die NG Kerk mag ontmagtig vir die dienswerk waartoe God hulle geroep het.

ADGO/ ATR

11.11 NUWE GEMEENTE-ONTWIKKELING (vgl Agenda Deel I bl 43, A.1.2 Verslag van die Algemene Diensgroep vir Gemeente-ontwikkeling pt 5.1 (ADGO Bylaag 5 bl 75) asook Agenda Deel II bl 9 pt 3) (Notule bl ...)

1. Die Algemene Sinode neem kennis van die bylae.

2. Die Algemene Sinode versoek sinodes dat kerkrade ernstig oor die implikasies van Nuwe Gemeente-ontwikkeling (NGO) binne hul eie konteks besin en nuwe gemeentestigting as doelgerigte metode vir kerkgroei te oorweeg.
3. Die Algemene Sinode versoek sinodes om verantwoordelikheid te aanvaar dat relevante uitdagings in hul sinodale gebied sinvol aangespreek word.
4. Die Algemene Sinode versoek AKTO om toe te sien dat die saak die nodige aandag in die kurrikula van die verskillende teologiese fakulteite kry.
5. Kennis geneem – Reglement vir die Vermeerdering, Kombinerings, Eenwording en Samesmelting van Gemeentes is reeds deur die Moderamen afgehandel.
6. Die Algemene Sinode versoek die ATR, om in oorleg met ADGO, aandag te gee aan die moontlikheid dat gemeentestigting uit meer as een kerkverband kan geskied.

Sinodes/ AKTO/ ATR/ ADGO

11.12 VERDERE OMSKRYWING MISSIONÊRE-DIAKONALE GEMEENTES (vergelyk Agenda Deel I bl 85, A.1.3 Verslag van die Algemene Diensgroep Diens en Getuenis pt 2.1.2) (Notule bl ...)

Die Algemene Sinode wys 'n ad hoc-taakspan aan bestaande uit verteenwoordigers van al die diensgroepe om 'n geïntegreerde, praktiese gemeentelike ekklesiologie daar te stel.

Moderamen

12. HOMOSEKSUALITEIT

12.1 HOMOSEKSUALITEIT (vgl Notule ...)

1. Die Algemene Sinode spreek 'n groot woord van opregte dank uit teenoor al die lede van die taakspan vir 'n deeglik gefundeerde verslag.
2. Die Algemene Sinode erken dat in die samestelling van die Taakspan daar persone betrek is met baie sterk uiteenlopende standpunte.
3. Die Algemene Sinode neem kennis dat daar 'n wye behoefte bestaan dat daar meer middelgrond tussen die twee standpunte moet kan wees. Op grond van ons waarde van vertroue is die Algemene Sinode oortuig dat hierdie pad verken moet word.
4. Die Algemene Sinode wys 'n kommissie aan en dra dit aan die kommissie op om alle voorstelle wat tans in die vergadering ter tafel is te bestudeer met die oog op die versoening van idees en die bestuur van diversiteit. Die kommissie doen ter vergadering verslag en die prosesspan word versoek om die beskikbare tyd daarvoor te bestuur.
5. Om baie redes is dit moeilik om persone aan te wys. Die vergadering oordeel dat dit die veiligste pad sal wees om die tien moderators van die sinodes te vra om saam met 'n gespreksleier (Nelis van Rensburg) en die voormalige dosent in die Christelike etiek, prof Danie du Toit, die saak te hanteer.

12.2 HOMOSEKSUALITEIT: VOORSTEL TAAKSPAN MODERATORS (vgl Notule ...) (Hierdie aanbevelings vervang alle aanbevelings vanaf 5.1 op bladsy 19 tot 5.13.2 op bladsy 21 van die Agenda Deel II)

Die Algemene Sinode besluit soos volg:

1. Die Bybel is ons uitgangspunt en in ons nadenke oor homoseksualiteit soek ons eerlik na maniere om die Bybelse waardes betekenisvol binne die konteks te interpreteer.
2. Ons aanvaar die liefde van Christus as die enigste geldige grondhouding waarop verhoudinge binne die geloofsgemeenskap gebaseer word. Alle mense is geskep na die beeld van God; die verlossing in Christus is vir alle mense en die Gees is uitgestort op alle gelowiges. Daarom aanvaar ons die menswaardigheid van alle mense.
3. Alle mense, ongeag hulle seksuele oriëntasie, is ingesluit in God se liefde en hulle word op grond van hulle doop en geloof as lidmate van die kerk van Christus aanvaar. Onder lidmaatskap word verstaan toegang tot die sakramente, toegang tot die ampte en onderworpenheid aan die kerklike tug.
4. Die Algemene Sinode herbevestig die besluit van 2004 dat, volgens ons verstaan van die Bybel, slegs die verbintenis tussen een man en een vrou as 'n huwelik beskou kan word.
5. Die Algemene Sinode bevestig ook die besluit van 2004 dat sowel heteroseksuele as homoseksuele promiskuiteit ten sterkste veroordeel word.
6. Die Algemene Sinode besluit dat, in die lig wat ons tans het, homoseksuele verbintenisse en huwelike nie as 'n alternatief vir die huwelik aanvaar kan word nie.
7. Die verlening van predikantsbevoegdheid is 'n funksie van die Algemene Sinode. Die sinode besluit dat homoseksuele geëlitimeerdes wat 'n selibate lewenstyl beoefen tot die predikantsamp toegelaat word.
8. Die Algemene Sinode erken die diskresie van Kerkrade om die verskille oor homoseksualiteit in gemeentes in die gees van Christelike liefde te hanteer.

Met hierdie besluit verval alle aanbevelings van die Taakspan Homoseksualiteit.

Kerkverband

12.3 INTERPRETASIE VAN DIE SINODALE BESLUIT OOR HOMOSEKSUALITEIT (vgl Notule ...)

Die Algemene Sinode verklaar dat die besluit van 8 punte insake homoseksualiteit as 'n eenheid aan die Algemene Sinode gestel is en dat hierdie besluit as 'n eenheid gelees en verstaan moet word.

Kerkverband

12.4 MOSIE VAN DANK TEENOOR DIE ALGEMENE SINODE SE TAAKSPAN VIR

HOMOSEKSUALITEIT (vgl Notule ...)

Die Algemene Sinode spreek sy dank en waardering uit teenoor al die lede van die Taakspan wat gedurende die afgelope meer as twee jaar met groot toewyding, maar ook met persoonlike blootstelling en ontbering, baie tyd en aandag aan hierdie opdrag gewy het. 'n Spesiale woord van waardering word ook uitgespreek teenoor die gay persone wat deel was van die Taakspan vir hulle onmisbare teenwoordigheid en getuienis in die proses. Ons beseft dat hulle hulself in die proses nog meer blootgestel het.

Kerkverband

13. JEUG

13.1 JEUGBEDIENING (JONK) (vgl Agenda Deel I bl 284, A.3.2 Verslag van die Algemene Diensgroep vir Gemeente-ontwikkeling pt 1.4 (vgl ook ADGO Bylaag 1 bl 290) asook Agenda Deel II bl 17) (Notule bl ...)

1 Die Algemene Sinode neem met waardering kennis van die reglement van "JONK" en keur goed dat die werksaamhede soos beskryf, voortgaan as deel van ADGO se opdrag.

2 Die Algemene Sinode gee aan ATR opdrag om die nodige Kerkordelike wysigings aan te bring ten einde hierdie voorstelle met die Kerkorde te belyn.

3 Die Algemene Sinode keur goed dat "JONK" die Ned Geref Kerk amptelik mag verteenwoordig by jeugforums en -gespreksgroepe waarheen JONK genooi word. Dit word gedoen met kennisgewing aan die dagbestuur van ADGO en die kantoor van die Algemene Sinode.

ADGO/ ATR/ Moderamen

13.2 JEUGWERKERS (vgl Agenda Deel I bl 284, A.3.2 Verslag van die Algemene Diensgroep vir Gemeente-ontwikkeling pt 1.5.2.1 (vgl ook ADGO Bylaag 1 bl 290) asook Agenda Deel II bl 17) (Notule bl ...)

1. Die Algemene Sinode versoek sinodes om kerkrade aan te moedig om in die aanstelling van Jeugbedienaars altyd die volhoubaarheid van die Jeugbediening in gedagte te hou en daarom nie Jeugbedienaars op eenjaar- kontrakte aan te stel nie, maar hulle sal beywer vir langtermynkontrakte.

2. Die Algemene Sinode versoek sinodes om kerkrade aan te moedig om in die aanstelling van Jeugwerkers die amptelike opleidingskursus, nl. die driejarige B. Diak graad in Jeugwerk as eerste opsie te oorweeg.

3. Die Algemene Sinode gee aan JONK opdrag om saam met die ter sake kommissie (oa AKTO, ATR, ATDV ensovoorts) die saak in diepte te ondersoek en die Algemene Sinode met 'n voorstel aangaande die opleiding en amptelike status van Jeugwerkers te bedien.

Sinodes/ ADGO

13.3 KATEGESE (vgl Agenda Deel I bl 285, A.3.2 Verslag van die Algemene Diensgroep vir Gemeente-ontwikkeling pt 1.5.4.2 (vgl ook ADGO Bylaag 1 bl 290) asook Agenda Deel II bl 17) (Notule bl ...)

Die Algemene Sinode versoek sinodes om gemeentes ten sterkste aan te moedig om 'n gebalanseerde kategesesistiem in elke gemeente tot stand te bring.

Sinodes

13.4 KATEGETE-AMP (vgl Agenda Deel I bl 343, A.3.4.1 Verslag van die Algemene Taakgroep Regte pt 10.3 asook Agenda Deel II bl 18) (Notule bl ...)

Die Algemene Sinode neem kennis.

14. KERKHERENIGING

14.1 APPROBASIE BY KERKEENHEID (vgl Aanvullende Verslae bl 38 – 41 pt 1) (Notule bl ...)

Die Algemene Sinode neem kennis van die verslag oor approbasie by kerkeenheid.

Kerkverband

14.2 EEN GESAMENTLIKE SINODE (vgl Agenda Deel I Beskrywingspunt B.5.2 (Wes-Transvaal) bladsy 495, Agenda Deel II bladsy 15 asook T.2.1 Eerste Verslag van die Tydelike Kommissie vir Algemene en Ekumeniese Sake bl 1 pt 3) (Notule bl ...)

Diep bewus daarvan dat daar tans verskillende menings tov kerkhereniging is en om die saak nie te laat sloer nie, besluit die Algemene Sinode om toestemming aan die Moderamen te gee om, indien dit

sin maak en die proses kan help, saam met die ander drie kerke 'n vergadering van die Algemene Sinodes van die vier kerke te reël.

Moderamen

14.3 GESAMENTLIKE GESPREEK TUSSEN DIE VIER KERKE (vgl Agenda Deel I bl 393-396, A.5.1 Verslag van die Moderamen, pt 2.6 asook Aanvullende Verslae bl 23-25 pt 1.1.4) (Notule bl ...)

1. Die Algemene Sinode ondersteun die inisiatiewe wat die Moderamen sedert Junie 2006 in oorleg met die Moderamens/Sinodale Kommissies/Sinodale Diensrade van al die sinodes asook die Moderamens/ Sinodale Kommissies van die VGKSA, NGKA en die RCA geneem het tot hereniging van die vier kerke in die NG Kerk-familie.

2. Die Algemene Sinode is dankbaar teenoor die Here vir die nuwe gesindheid wat die Here sedert Junie 2006 tussen die vier kerke gegee het in hierdie eenheidstrewen en die vordering wat gemaak kon word ten opsigte van die bou van verhoudinge en die vind van konsensus.

3. Die Algemene Sinode neem kennis van die Achterbergh II-dokumente.

4 Aangesien die proses tussen die vier kerke sodanig gevorder het dat daar iets konkreet op die tafel is, versoek die Algemene Sinode sinodes om die Achterbergh II-dokumente saam met die besluite van die Algemene Sinode 2004, aan gemeentes deur te gee vir bespreking en kommentaar aan die hand van die volgende proses:

- * die Moderamen voorsien teen einde Julie 2007 'n dokument met riglyne vir gemeentes oor hoe om sulke gesprekke op die mees konstruktiewe manier te voer;
- * die Moderamen stel 'n pro-forma verslagwyse op, wat ook in die riglyne aan gemeentes opgeneem word, aan die hand waarvan kerkvergaderings hulle mening en insette kan gee;
- * die sinodes versamel alle kommentaar en insette van gemeentes nie later nie as 1 Desember 2007 en gee dit deur aan die kantoor van die Algemene Sekretaris vir verwerking;
- * hierdie fase is slegs vir konsultasie, bespreking en insette/ kommentaar.

5. Die Algemene Sinode dra dit verder aan die Moderamen op om, in die lig van die kommentaar en insette van gemeentes asook die besluite van die Algemene Sinode 2004, verder met die ander drie kerke te onderhandel oor konkrete voorstelle aan kerkrade/ gemeentes van al vier die kerke. Hierdie konkrete voorstelle word, indien moontlik, gedurende die tweede helfte van 2008 deur elke kerk aan kerkrade/gemeentes voorgelê met die oog op hulle goedkeuring. Dit word deur elke kerk gedoen in ooreenstemming met die prosedures wat tans in daardie kerk se Kerkorde/ besluite daarvoor voorgeskryf word (Die NG Kerk se proses word uitgespel in Agenda Deel I A.5.1 bladsy 384 pt 14).

6. Die Algemene Sinode dra dit aan die Moderamen op om in hierdie proses verder leiding te neem en om, soos die afgelopen maande sedert Junie 2006, telkens die moderasie van al die sinodes te betrek in konsensus-soekende onderhandelinge met die ander kerke. Die onderhandelinge geskied aan die hand van die besluite van 2004 asook die uitkoms van die proses in pt 4 hierbo.

Kerkverband/ Moderamen

14.4 KONSULTASIEPROSES: KERKHERENIGINGSGESPREEK BINNE DIE NG KERK SELF (vgl Agenda Deel I bl 397, A.5.1 Verslag van die Moderamen, pt 2.7.13 asook Aanvullende Verslae bl 26 punt 1.2.1.5) (Notule bl ...)

Die Algemene Sinode versoek sinodes om verantwoordelikheid te aanvaar vir die hantering van die konsultasieproses binne die kerkverband.

Sinodes

14.5 OPDRAG AAN MODERAMEN (vgl Aanvullende Verslae bl 27 pt 1.3) (Notule bl ...)

Die Algemene Sinode bekragtig dat die Moderamen sy mandaat uitgevoer het aangesien by die Algemene Sinode van 2002 opdrag aan die Moderamen gegee is om " die proses van kerkhereniging verder te begelei." Die Algemene Sinode herhaal die opdrag aan die Moderamen.

Moderamen

14.6 POSISIE TOV KERKEENHEID/KERKHERENIGING (vgl Aanvullende Verslae bl 27 pt 1.2.2.2) (Notule bl ...)

Die Algemene Sinode bevestig weereens dat ten opsigte van die saak van kerkhereniging dit by vergaderings van Algemene Sinodes nie meer oor die "of " (maw die wenslikheid) van kerkhereniging gaan nie, maar oor die "hoe" daarvan (maw die beste manier waarop dit bereik kan word) aangesien uitvoerige besluite waardeur die NG Kerk haarself verbind het tot hereniging met die ander drie kerke van die NG Kerk-familie reeds sedert 1990 by verskillende Algemene Sinodes geneem is, en al die (streek-) sinodes ook duidelike besluite ten gunste van kerkeenheid geneem het.

Kerkverband

14.7 REGSADVIES TEN OPSIGTE VAN KERKVERENIGING (vgl Agenda Deel I Beskrywingspunt B.5.1 (Wes-Transvaal) bladsy 495, Agenda Deel II bladsy 15 asook T.2.1 Eerste Verslag van die Tydelike Kommissie vir Algemene en Ekumeniese Sake bl 1 pt 2) (Notule bl ...)

Die Algemene Sinode neem kennis van die Beskrywingspunt en versoek die ATR om die saak tov regsadvies te hanteer en die advies aan die Algemene Sinodale verband deur te gee.

ATR

14.8 TEOLOGIESE OPLEIDING: BETROKKENHEID VAN FAMILIE VAN NG KERKE BY GESPREK MET DIE OOG OP (vgl Agenda Deel I bladsy 345, A.3.5 Verslag van die Algemene Taakspan Teologiese Opleiding, pt 3.2 asook Agenda Deel II bladsy 15) (Notule bl ...)

1. Die Algemene Sinode neem dankbaar kennis van die feit dat die familie van NG Kerke betrokke is by die gesprek oor teologiese opleiding.
2. Die Algemene Sinode versoek AKTO om betrokke te bly by die gesprek met die familie van NG Kerke deur ook te bepaal hoedanig teologiese opleiding kan meehelp om die eenheidsproses te dien en verder aandag te gee aan alle sake rakende teologiese opleiding soos bv. die plekke van opleiding, die duur en inhoud van die kursus ens.

Moderamen/ AKTO

14.9 TAAKSPAN KERKHERENIGING (Notule bl ...)

1. Die Algemene Sinode besluit om 'n Ad Hoc-taakspan vir Kerkhereniging saam te stel om die gesprek- en besluitnemingsprosesse in die verskillende sinodes te belyn en sinkroniseer.
2. Die Taakspan bestaan uit een persoon uit elke sinode wat deur die sinodes self aangewys word.
3. Die Taakspan rapporteer aan die ASM.
4. Die ASM reël hoe vir die Taakspan se werk begroot word.

Moderamen

14.10 VERENIGDE DIENSGROEP DIENS EN GETUIENIS (vgl Agenda Deel I bl 433, A.5.3 Verslag van die Algemene Diensgroep Diens en Getuienis, pt 1.3 asook Agenda Deel II bl 15) (Notule bl ...)

Die Algemene Sinode

- 1 Keur die totstandkoming van die Verenigde Diensgroep Diens en Getuienis goed en moedig sinodes aan om in sinodale verband moeite te doen dat hulle diens van barmhartigheid en getuienisbediening met die ooreenstemmende bedieninge van die ander drie kerke in die NG Kerkfamilie 'n verenigde struktuur vir Diens en Getuienis vorm.
- 2 Neem kennis dat die Algemene Kommissie vir Getuienisaksie (AKGA) in die lig van die totstandkoming van die Verenigde Diensgroep Diens en Getuienis kan verval.

Sinodes/ ADD

15. KERKORDE

15.1 GRONDIGE HERSIENING VAN DIE KERKORDE (vgl Agenda Deel I bl 459 asook Aanvullende Verslae bl 43-44) (Notule bl ...)

(Weens omvang van die besluit is die oorspronklike numerering behou)

2.2.1 Die Algemene Sinode neem kennis dat niemand die ATR se uitnodiging om wysiginge aan die Kerkorde vooraf te bespreek met die ATR, benut het nie.

2.2.2 Die Algemene Sinode keur die volgende wysigings aan die Kerkorde goed:

2.1 Dat die volgende artikels van die Kerkorde wat die Algemene Sinode raak, onveranderd gelaat word: Artikels 39-45.

2.2 Dat die ADGO bv ook in die verandering van hulle reglement na die opname van die jeugbediening en andere sal kyk.

2.3 Dat die ADD beide die "Diens van Barmhartigheid" en "Getuienis" – komponente sal verreken.

(Vgl die Notule bl ... tot ...vir detail)

ATR/ ADD/ ADGO

16. KOMMUNIKASIE

16.1 CHRISTELIKE LEKTUURFONDS (CLF) (vgl Agenda Deel I bl 434, A.5.3 Verslag van die Algemene Diensgroep Diens en Getuienis, pt 5.1.2 (Diens en Getuienis Bylaag 1 bl 435) asook Agenda Deel II bl 27) (Notule bl ...)

Die Algemene Sinode dank die Here vir die Christelike Lektuurfonds wat die afgelope vyftig jaar die boodskap van die Bybel veral deur die gedrukte media in verskillende tale aan duisende mense verkondig het.

ADD

16.2 KERKLIKE MEDIA (Vgl Agenda Deel I bladsy 124, A.2.3.1 Verslag van die Taakspan Kommunikasie en Media, pt 7 asook Agenda Deel II bl 13) (Notule bl ...)

1. Die Algemene Sinode neem met dank kennis van die groot rol wat ds Bobbie Scherrer, voorsitter van die Taakspan Kerklike Media, gespeel het om die verskillende mediabedieninge van die NG Kerk onder een dak te verenig en op 'n gesonde finansiële voet te plaas.
2. Die Algemene Sinode neem met dank kennis van die positiewe ondersteuningsrol wat baie gemeentes, ringe en sinodes speel in die bevordering van die werk van Bybel-Media, en van die duisende donateurs landwyd wat hierdie werk finansiëel moontlik maak.
3. Die Algemene Sinode versoek sinodes om gemeentes en lidmate op te roep om in hulle aankope van Christelike publikasies en elektroniese media eerstens die eiendomlike instansies van die kerk self te ondersteun.

Kerkverband/ TKM/ BM

16.3 KOMMUNIKASIE (vgl Agenda Deel I bladsy 110, A.2.1 Verslag van die Moderamen, pt 8.9 asook Agenda Deel II bl 13) (Notule bl ...)

1. Die Algemene Sinode herbevestig die noodsaaklikheid van kommunikasie en aanvaar die strategiese plan as breë riglyn waarmee die direktoraat moet werk.
2. Die Algemene Sinode dra dit aan die Algemene Sinodale Moderamen en die Taakspan Kerklike Media op om steeds te soek na groter koördinering van funksies en die beter benutting van mannekrag ten einde die interne en eksterne kommunikasiepotensiaal van die NG Kerk maksimaal te ontgin.
3. Die Algemene Sinode neem kennis van die beperkte oplaag van Kerkbode en dra dit aan die ASM op om alle moontlikhede tot beter interne kommunikasie te ondersoek en te implementeer.
4. Die Algemene Sinode ondersteun die bestaansreg van LIG en moedig alle gemeentes aan om die Christelike gesinstydskrif in Afrikaans te ondersteun, te bemark en by wyse van grootskaalse intekening te help uitbou.
5. Die Algemene Sinode dra dit aan die Direktoraat Kommunikasie op om die webwerf verder te ontwikkel en ook ander digitale kommunikasiemoontlikhede te ontgin.

Moderamen/ TKM/ Kerkverband

17. LEER- EN AKTUELE SAKE

17.1 BELYDENIS OOR DIE OPSTANDING (Vgl Agenda Deel II bl 8 pt 5 (Vergelyk ook Agenda Deel I bl 495, B.1.1 Beskrywingspunte (Oos-Transvaal) (Notule bl ...))

Die Algemene Sinode besluit om 'n eietydse interpretasie van die Twaalf Artikels te gee.

ATLAS

17.2 DOOP, DOOPVIERING EN VERSLAG RAKENDE DIE BETEKENIS EN GEBRUIK VAN DIE DOOP (MODERAMEN BYLAAG 3) (vgl Agenda Deel I bl 10, 39, A.1.1 Verslag van die Moderamen, punt 11.3 (Moderamen Bylaag 3 bladsy 31) asook Agenda Deel II bl 10) (Notule bl ...)

1. Die Algemene Sinode neem bogenoemde verslag in ontvangs as vertrekpunt vir omvattende gesprek aangaande doop en doopviering.
2. Die Algemene Sinode bevestig dat die Christelike doop vanuit die radikaliteit van die genade as onherhaalbaar beskou moet word.
3. Met groot begrip vir die kragtige betekenis van simbole en rituele en met behoud van die christelike doop as eenmalige sakrament (vir kinders en volwassenes) dra die Algemene Sinode dit aan sinodes op om te besin oor toepaslike rituele waardeur gedoopte lidmate van die werklikheid van God in hulle lewe kan getuig.
4. Sodanige rituele sou net gevier kon word deur persone wat hulle christelike doop erken.
5. Die Algemene Sinode gee aan die Algemene Diensgroep Gemeente Ontwikkeling opdrag om die Sinode te bedien met 'n eenvoudige en helder beleid en voorstelle aangaande doop, doopviering, kindernagmaal en kategese wat beide ons tradisie en die praktiese bedieningskonteks van ons dag in ag sal neem.

ADGO/ ATLAS

17.3 GEESTEWÊRELD EN BEVRYDING (vgl Agenda Deel 1 bl 10, 29, A.1.1. Verslag van die Moderamen, pt 11.2 (Moderamen Bylaag 2, bladsy 18) asook Agenda Deel II bl 11) (Notule ...)

Die Algemene Sinode herhaal sy opdrag aan Taakspan Leer en Aktuele Sake om voort te gaan met die studie oor die bediening van bevryding. Beskikbare dokumentasie van die bevrydingsbediening moet oorweeg word.

ATLAS

17.4 SKRIFBESKOUIING (Notule ...)

Die Algemene Sinode dra dit aan ATLAS op om 'n eenvoudige en prinsipiële samevatting te maak van al die besluite van die Algemene Sinodes van 1986, 2002 en 2004 oor Skrifbeskouing en Skrifgesag

ATLAS

18. NOOD EN GENESING

18.1 ARMOEDEBESTRYDING (vgl Agenda Deel I bl 376, A.4.2 Verslag van die Algemene Diensgroep Diens en Getuienis pt 2.4 asook Agenda Deel II bl 27) (Notule ...)

Die Algemene Sinode

1 Aanvaar die ADD se siening om nie verder afsonderlike strategieë vir die hantering verskillende maatskaplike probleme te ontwikkel nie en neem daarvan kennis dat die ADD saam met van die VGKSA, RCA en NGKA begin het om 'n geïntegreerde strategie vir die kerk se betrokkenheid in die gemeenskap te ontwikkel.

2 Neem kennis dat die ADD saam met die ander kerke in die Verenigde Diensgroep Diens en Getuienis na weë soek om 'n gemeentelike gesprek oor die temas van die ACCRA Verklaring (2004) te inisieer

ADD/ VDDG/ Interim Kerkhereniging

18.2 EKONOMIESE GEREGTIGHEID (vgl Agenda Deel I bladsy 359 en 369, A.4.1 Verslag van die Moderamen pt 8 (vgl Moderamen Bylaag 1 bladsy 360) asook Agenda Deel II bl 26) (Notule bl ...)
(As gevolg van die omvang van die aanbevelings is die nommering soos in die verslag behou)

8.1 ACCRA-VERKLARING

8.1.1 Die Algemene Sinode erken met instemming die feit dat die Accra-verbintenis uitdrukking gee aan die pyn wat 'n groot aantal mense in die wêreld, wat keuseloos in absolute armoede leef, daagliks ervaar – en betreur die skending van die menswaardigheid van talle magteloses in die proses.

8.1.2 Die Algemene Sinode erken dat ekonomiese globalisering in die meeste lande tot op hede nie daarin geslaag het om die lot van die armste mense in die wêreld te verlig nie (Accra punt 7) en dat die aantal armes en werkloos in die meeste lande eerder toegeneem het en die gaping tussen ryk en arm lande steeds groter geword het.

8.1.3 Die Algemene Sinode erken dat onbeheerste ekonomiese groei in ontwikkelde lande 'n bedreiging vir die omgewing inhou, met potensieel katastrofale gevolge vir alle lewe op aarde (Accra punt 8).

8.1.4 Die Algemene Sinode betreur hiermee ook die terugsgny van welsynsdienste (social services) in baie lande – in 'n poging om meer kompetender te word – wat groot ontberings vir baie mense veroorsaak en gemeenskapsontwikkeling ernstig strem (Accra punt 12).

8.1.5 Die Algemene Sinode spreek hom skerp uit teen die groeiende verbruikersmentaliteit onder die wêreldbevolking en die toenemende gierigheid en selfsug – en bely die kerk se aandadigheid daaraan.

8.1.6 Die Algemene Sinode wil – ondanks sy steun vir die Accra-verbintenis

8.1.6.1 nie deelneem aan die demonisering van mense en instellings net omdat hulle deel uitmaak van die internasionale handelstelsels nie

8.1.6.2 nie beweer dat globale kapitalisme die enigste oorsaak van bestaansontberinge in arm lande en die kloof tussen ryk en arm is nie

8.1.6.3 nie aanvaar dat verwerping van die neo-liberale ekonomiese ideologie (aan die een kant) en steun vir die hervorming van die stelsel van ekonomiese globalisering en van bestaande organisasies wat die globale ekonomie reguleer (aan die ander kant), teenoor mekaar staan nie;

8.1.6.4 nie meedoen aan die ongenueanseerde gebruik van Bybeltekste in die beoordeling van hedendaagse ekonomiese verskynsels nie.

8.1.7 Die Algemene Sinode meen dat daar, vanuit die Gereformeerde belydenisse en ons teologiese verstaan van die Koninkryk van God, gepaardgaande met die evangeliese beginsel van die geregtigheid van God wat vra na die bevestiging van die menswaardigheid van alle mense, genoegsame teologiese regverdiging is vir die algemene strekking van die Accra-verbintenis.

8.1.8 Die Algemene Sinode besluit daarom om, saam met punte 7.1 tot 7.7 hierbo, die volgende respons aan die WBGK te gee :

We accept that the Gospel of Jesus excludes an uncritical and therefore irrational faith in the beliefs of neoliberal economic globalisation as set out in item 9 of the declaration of faith. We reject the accumulation of wealth at the expense of the poor. We care for the earth. We refuse to admire the powerful merely because they have power and we will not revere rich people just because they are rich.

In this spirit we align ourselves with this declaration of faith.

We undertake to:

Act in solidarity with the poor: locally and globally
Avoid rampant consumerism and seek ways to live a simple lifestyle
Cooperate critically with government and others in development projects
Persevere with current – and initiate new – projects directed at fighting poverty
Promote the family as an economic growth point
Research the issues identified by die declaration of faith and
Live, teach and preach economic justice.

Always focusing on God as the Lord of all creation.

Moderamen

8.2 OPDRAG TAAKSPAN PROFESIE OOR PROFYT

8.2.1 Die Algemene Sinode dra dit op aan die Taakspan verantwoordelik vir Profesie oor Profyt om:

8.2.1.1 die moontlikhede te ondersoek wat die tegnologie en die mark bied tot `n eenvoudiger en meer volhoubare lewenstyl.

8.2.1.2 met ander kerke en verwante organisasies saam te werk aangaande die krisis van klimaatverandering en verwante sake.

8.2.1.3 met ander kerke en verwante organisasies saam te werk rondom ekologiese kwessies – en die moontlike rol wat die kerk kan speel om hierdie uitdaging aan te spreek.

8.2.2 Die Algemene Sinode moedig Teologiese Fakulteite aan om sover moontlik ekonomiese geletterdheid vir predikante in hulle curricula in te sluit.

8.2.3 Die Algemene Sinode besluit dat die projek Profesie oor Profyt, binne sy missie en visie, in samewerking met die ander lede van die NG Kerk-familie, voortgesit word.

AKTO/ ATLAS/ Interim Kerkhereniging

18.3 ISWEN (vgl Agenda Deel I bl 434, A.5.3 Verslag van die Algemene Diensgroep Diens en Getuienis, pt 5.2.2 (Diens en Getuienis Bylaag 2 bl 438) asook Agenda Deel II bl 27) (Notule bl ...)

Die Algemene Sinode ondersteun steeds ISWEN se poging om, saam met die NOVA-Instituut te werk aan die ontwikkeling van `n lewenstyl wat meer ekologies-vriendelik is.

ADD

18.4 IMPLEMENTERING VAN DIE VIGSSTRATEGIE (vgl Agenda Deel I bl 378, A.4.2 Verslag van die Algemene Diensgroep Diens en Getuienis pt 4.5 asook Agenda Deel II bl 27) (Notule bl ...)

Die Algemene Sinode:

1 Keur dit goed dat die NG Kerk Vigsforum omvorm word tot `n forum van die NG Kerk-familie en dat dit voortaan aan die Verenigde Diensgroep Diens en Getuienis rapporteer. Die Algemene Sinode van die NG Kerk ontvang voortaan verslag van die forum deur die Algemene Diensgroep Diens en Getuienis.

2 Kontinueer die vorige opdragte aan die ADD rakende die implementering van die Goeie Herder Strategie.

3 Herbevestig die sinode se verklaring en standpunt ten opsigte van MIV/VIGS soos goedgekeur deur die Algemene Sinode (2002) en versoek sinodes om dit opnuut weer aan gemeentes deur te gee.

Sinodes/ ADD/ Interim Kerkhereniging

18.5 SONDAG VIR BARMHARTIGHEID (vgl Agenda Deel I bl 324, A.3.3 Verslag van die Algemene Diensgroep Diens en Getuienis pt 2.2 asook Agenda Deel II bl 18) (Notule bl ...)

Die Algemene Sinode versoek sinodes om gemeentes aan te moedig om betrokke te raak by die Sondag vir Barmhartigheidsprojek.

Sinodes

18.6 VERSOENING (vgl Agenda Deel I bl 379, A.4.2 Verslag van die Algemene Diensgroep Diens en Getuienis pt 5.3 asook Agenda Deel II bl 27) (Notule ...)

Die Algemene Sinode versoek die ADD om saam met die ander drie kerke in die Verenigde Diensgroep vir Diens en Getuienis so spoedig moontlik riglyne vir versoening te ontwikkel.

ADD/ Interim Kerkhereniging/ VDDG

19. OPENBARE GETUIENIS: GEWELD/ MISDAAD

19.1 GEWELD TEEN VROUE EN KINDERS (vgl Agenda Deel I bl 91, Agenda Deel II bladsy 14, A.2.1 Verslag van die Moderamen, pt 1.4 asook Agenda Deel II bl 14) (Notule bl ...)

1. Die Algemene Sinode spreek sy weersin uit teenoor elke geval waar 'n vrou of kind onder watter vorm van geweld ook al ly. Die Algemene Sinode wil elkeen wat gely het en steeds ly, verseker van voorbidding asook die sinode se verbintenis om die saak met wortel en tak uit te roei.
2. Die Algemene Sinode versoek sinodes om die gemeentes in hulle gebied toe te rus om die saak in elke deel van die gemeentelike bediening en samelewing te hanteer.

Sinodes

19.2 MISDAAD EN GEWELD (vgl Agenda Deel I bl 104, A.2.1 Verslag van die Moderamen, pt 5.6 asook Agenda Deel II bl 14) (Notule bl ...)

1. Die Algemene Sinode formuleer 'n mosie van rou en meegevoel oor alle Suid-Afrikaners uit alle gemeenskappe wie se Bybelse en grondwetlike regte hierdeur beroof is.
2. Die Algemene Sinode gee ter vergadering geleentheid vir 'n verootmoedigingsgeleentheid oor hierdie saak.
3. Die Algemene Sinode ontvang die verslag oor gereformeerde protes en verset as laatstuk.

19.3 MISDAAD EN GEWELD (vgl Aanvullende Verslae bl 3-5 pt 1.6) (Notule bl ...)

1. Die Algemene Sinode

- 1.1 is saam met die res van die gemeenskap intens bekommerd oor die hoë vlakke van misdaad wat tans in Suid-Afrika voorkom en die geweld wat daarmee gepaard gaan;
- 1.2 spreek sy diepe meelewing uit met die slagoffers van geweld;
- 1.3 verbind hom daartoe om alles in sy vermoë te doen om by te dra tot genesing van die samelewing.

2 Die Algemene Sinode

- 2.1 erken dat insidente van misdaad baie emosies by lidmate, en veral by slagoffers van misdaad ontlok wat dit moeilik kan maak om gebalanseerde perspektief te behou, maar versoek hulle nietemin om in elke situasie steeds verantwoordelik op te tree;
- 2.2 pleit by lidmate om as resultaat van hulle Christelike dankbaarheidslewe tot in die kleinste aan die Here se wil en wet getrou te bly;
- 2.3 herinner lidmate daaraan dat niemand 'n vinger na ander kan wys as sy/haar persoonlike integriteit en optrede nie onbesproke is nie;
- 2.4 pleit by lidmate om moeite te doen om aan gesonde huweliks-, gesins- en ander samelewingsverhoudings te bou;
- 2.5 pleit by lidmate om na mekaar se welstand om te sien, onder meer deur by gemeenskapsinisiatiewe betrokke te raak.

3. Die Algemene Sinode

- 3.1 bely dat dit binne die Here se wil is dat die wêreld deur middel van die wette en regerings geregeer moet word sodat die losbandigheid van die mense in bedwang gehou kan word en alles onder die mense ordelik kan verloop en dat Hy vir dié doel aan die owerheid die swaard in die hand gegee het om die kwaaddoeners te straf en die deugsames te beskerm;
- 3.2 pleit gevolglik by die regering om die land en sy mense in hierdie opsig nie in die steek te laat nie;
- 3.3 verseker die regering van sy samewerking, binne sy vermoë, by enige aksie wat tot genesing van die land kan lei.

4 Die Algemene Sinode

- 4.1 besluit om hierdie verslag as vertrekpunt vir verdere navorsing en besinning oor die onderwerp van misdaad en geweld te gebruik;
- 4.2 gee opdrag aan die Moderamen om 'n taakgroep vir dié doel aan te wys wat aan die Moderamen rapporteer. Die taakgroep moet in noue oorleg met sinodes werk.
- 4.3 Die taakgroep moet ter wille van die effektiewe uitvoering van sy opdrag ook die samewerking van relevante instansies in die gemeenskap soek.

Moderamen

19.4 MISDAAD EN GEWELD IN TRONKE (Notule bl ...)

Berigte in koerante en TV-gesprekke met gevangenes maak dit duidelik dat geweld en veral verkragting in tronke 'n geweldige probleem is – wat dikwels deur rassisme aangevuur word. Die kerk versoek die regering om dringend aandag hieraan te gee deur:

1. Alternatiewe vorme van straf te oorweeg – veral vir jeugmisdadigers
2. Oorvol tronke as krisis te beskou en meer fasiliteite te skep
3. Ander opsies te ondersoek.

Moderamen

19.5 MISDAAD EN MISDAAD (vgl Agenda Deel I bl 377, A.4.2 Verslag van die Algemene Diensgroep Diens en Getuienis, pt 3.5 asook Agenda Deel II bl 14) (Notule bl ...)

Die Algemene Sinode neem kennis van die ADD se siening dat daar nie 'n afsonderlike strategie oor geweld en misdaad ontwikkel word nie, maar dat dit deel behoort te wees van 'n breër strategie wat

fokus op gemeentes se betrokkenheid in die plaaslike gemeenskap en herroep die vorige opdrag aan die Diensgroep Diens en Getuienis.

20. OPENBARE GETUIENIS: ANDER

20.1 GRONDHERVORMING (vgl Agenda Deel I bladsy 105, A.2.1 Verslag van die Moderamen, pt 6.4 asook Aanvullende Verslae bl 6-9 pt 2.5) (Notule bl ...)

1. Die Algemene Sinode herbevestig sy beginselstandpunt ten gunste van grondhervorming (2002), met voorbehoud dat die praktiese toepassing van die proses billik en ordelik en met die minste ontwrigting van kommersiële landbou sal verloop.
2. Die Algemene Sinode spreek sy dank uit teenoor die landbousektor en spesifiek die boere-gemeenskap vir die belangrike bydrae as werk-, voedsel- en behuisingverskaffer, en as stabiliseerder van landelike gemeenskappe.
3. Die Algemene Sinode neem met dank kennis van suksesvolle bemagtigingsprojekte in die landbou, maar spreek sy kommer uit oor talle voorbeelde waar die oordrag van produktiewe landbougrond tot boerdery-mislukkings en die verlies van werkgeleenthede lei.
4. Die Algemene Sinode doen 'n beroep op die regering en die Departement Landbou en Grondsake dat die afhandeling van die uitstaande grondeise billik en deursigtig sal verloop, en dat die vestiging van landbou- en bestuursvaardighede 'n integrale deel van die oordrag van produktiewe landbougrond sal wees. Die sinode doen ook 'n beroep op alle rolspelers om by nuweboer-vestiging maksimaal gebruik te maak van vennoot- en mentorskappe met die oog op die oordrag van kundigheid.
5. Die Algemene Sinode doen 'n beroep op die regering om alles moontlik te doen om die veiligheidsituasie in landelike gebiede te verbeter ten einde die omvang van misdaad, plaasaanvalle en -moorde te bekamp en 'n gunstige boerdery-omgewing te verseker.
6. Die Algemene Sinode versoek gemeentes om vol te hou met die bediening van versoening, en om waar moontlik 'n bemiddelende rol te speel tussen mense en gemeenskappe met die oog op wedersydse aanvaarding, respek en goedgesindheid.
7. Die Algemene Sinode besluit om spesifiek voorbidding te doen vir lidmate wat swaarkry as gevolg van die veiligheidsituasie op plase en die effek van grondeise, en doen 'n beroep op gemeentes om hierdie lidmate pastoraal te ondersteun.
8. Die Algemene Sinode kontinueer die opdrag aan die Taakspan: Grond- en Landelike Hervorming, met die versoek dat hierin met ander kerke en ekumeniese liggame saamgewerk word.

Taakspan Grondhervorming/ Moderamen

20.2 KAPELAANSDIENSTE (vgl Agenda Deel I bl 99, A.2.1 Verslag van die Moderamen, pt 4.4 asook Agenda Deel II bl 13) (Notule bl ...)

1. Die Algemene Sinode versoek gemeentes om, waar hulle genader word om 'n kapelaan aan die gemeente te koppel, dit ernstig te oorweeg.
2. Die Algemene Sinode verwys die behoefte aan bydraes van gemeentes ten bate van die Kapelaansfonds na sinodes.
3. Die Algemene Sinode versoek sinodes om kapelane wat binne hulle grense werk, te betrek by die verskillende dienskommissies van die sinode.
4. Die Algemene Sinode besluit om die Subkommissie vir Kapelaansdienste soos volg saam te stel: 'n verteenwoordiger van elk van die vier kerke van die NG Kerkfamilie en 'n benoemde kapelaan van elk van die vier afdelings van die Veiligheidsdienste (SAW, SAPD, Korrektiewe Dienste, Nasionale Intelligensie), op eie koste. Indien die hoofkapelaan(e) van die NG Kerkfamilie is, word hy/sy/hulle benoem - indien nie, een van die leiersgroep van die betrokke afdeling wat 'n gelegitimeerde van die NG Kerkfamilie is.
5. Die Algemene Sinode besluit om 'n dienende kapelaan uit elk van die vier afdelings van die Veiligheidsdienste op die Taakgroep vir Diensgetuienis te benoem.
6. Die Algemene Sinode besluit om voort te gaan met sy steun en betrokkenheid by die Veiligheidsdienste Christelike Adviesraad deur middel van sy verteenwoordiger op die Raad.

Kerkverband/ Moderamen/ ADD

20.3 KAPELAANSDIENSTE: SUBKOMMISSIE VIR KAPELAANSDIENSTE (vgl Agenda Deel I bladsy 115, A.2.2 Verslag van die Algemene Diensgroep Diens en Getuienis, pt 3.2 asook Agenda Deel II bl 13) (Notule bl ...)

Die Algemene Sinode neem kennis dat die Algemene Diensgroep Diens en Getuienis die aanbeveling van die Moderamen rakende die samestelling van die Subkommissie vir Kapelaansdienste (vgl A.2.1 punt 4.4.4) ondersteun.

20.4 MENSEREGTE: GESPREKKE MET INSTANSIES WAT MENSEREGTE INTERPRETEER (Notule bl ...)

Die Algemene Sinode versoek dat in gesprekke met instansies wat menseregte interpreteer, sterk standpunt ingeneem sal word om die belange van gemeenskappe (bv huwelik, gesin, skool, kerk) te beskerm teen 'n eensydige individualistiese menseregte-interpretasie.

Moderamen

20.5 NG KERK EN DIE GRONDWET (vgl Agenda Deel I bladsy 99, A.2.1 Verslag van die Moderamen pt 3.4.2 (vgl ook Moderamen Bylaag 1 bladsy 111) asook Agenda Deel II bl 13) (Notule bl ...)

Die Algemene Sinode keur die dokument "Die NG Kerk en die Grondwet" goed as beleidstuk van die NG Kerk. Dit geld ook as uitgangspunt vir die werk van die Parlementêre Lessenaar.

Moderamen/ Taakspan Parlementêre skakeling

20.6 STAKINGS: VERKLARING OOR (Notule bl ...)

Die Algemene Sinode:

1. Neem met kommer kennis van die hoë intensiteit van die huidige staatsdiensstaking in Suid-Afrika;
2. Spreek sy begrip uit vir die frustrasies van baie staatsdienspersoneel wat meestal nie voldoende erkenning kry vir die dienste wat hulle lewer nie en dat baie beleef dat daar oor die jare groot agterstande in hulle salarisse en diensvoorwaardes ontstaan het;
3. Spreek sy kommer uit oor die skynbare gebrek aan pariteit in verhogings vir die bestuurders van die staat en gewone amptenare;
4. Versoek alle partye in die geskil om in goeie trou te onderhandel en die belange van die breër gemeenskap in gedagte te hou;
5. Betreur die ontwrigting wat die staking van nooddienpersoneel vir weerloses meebring en die hoë vlakke van intimidasie en geweld;
6. Versoek alle Christene wat aan die staking deelneem om in die styl van Jesus Christus steeds ook die belange van hulle medeburgers in gedagte te hou;
7. Onderneem om saam met Ekumeniese bondgenote mee te werk dat daar 'n positiewe afloop vir die staking kom.

Moderamen

20.7 ZIMBABWE (vgl Agenda Deel I bl 359, A.4.1 Verslag van die Moderamen: Nood en Genesing pt 3 asook Aanvullende Verslae bl 22 pt 1) (Notule bl ...)

1. Die Algemene Sinode verklaar dat hy op grond van die Roepingsverklaring 2002 'n profetiese stem moet laat hoor oor die miskenning van menseregte, lyding, ineenstorting van die ekonomie asook verwoesting van die ekologie in Zimbabwe.
2. Die Algemene Sinode wil saam met die kerke in Zimbabwe en Suider-Afrika by onderdrukte en lydendes in Zimbabwe staan, en saam met ons ekumeniese vennote alles moontlik doen om die mense van die land by te staan. 'n Besondere fokus is die honderde duisende vlugtlinge uit Zimbabwe in die lande in Suider-Afrika.
3. Die Algemene Sinode betreur die skynbare onwilligheid van Suider-Afrikaanse regerings om daadwerklik betrokke te raak by die krisis in Zimbabwe.
4. Die Algemene Sinode versoek die Sinode van Namibië om deur die CCN met die Namibiese regering hieroor in gesprek te tree, en dra dit aan die verteenwoordigers van die Moderamen in die National Religious Leaders Forum op om via die NRLF met die Suid-Afrikaanse regering hieroor in gesprek te tree.
5. Die Algemene Sinode versoek die ekumeniese liggame WRK, WARC, GER, AACC, SAARC/ARCA, CCN, SARK en TEASA om alle kontakte en middele te gebruik om 'n verandering in Zimbabwe te weeg te bring.
6. Die Algemene Sinode versoek sinodes om steeds betrokke te wees by gemeentes in Zimbabwe: gemeentes van die NG Kerk via die Noordelike Sinode, gemeentes van die RCZ en CCAP (Harare) via die Sinode van Wes-en Suid-Kaapland.

Moderamen/ Sinodes/ Namibië/ Noordelike Sinode

21. PREDIKANTESAKE

21.1 ALGEMENE PREDIKANTEBYEENKOMS (vgl Agenda Deel I bl 8, A.1.1 Verslag van die Moderamen, punt 4.12 asook Agenda Deel II bl 11 pt 2) (Notule bl ...)

1. Die Algemene Sinode dank die Here vir die geslaagde Algemene Predikantebyeenkoms en die vrug daarvan in die NG Kerk.

2. Die Algemene Sinode dra dit aan die Moderamen op om weer oorweging te gee aan die aanbied van 'n Algemene Predikantebyeenkoms vir die kerkverband.

Moderamen

21.2 ARTIKEL 9 (vgl T 7.3 bl 1-2 pt 1) (Notule bl ...)

Die Algemene Sinode keur die gewysigde Kerkorde Artikel 9 goed:

ARTIKEL 9

9.1 Die fokus van die amp van die predikant is die bediening van die Woord (in al sy gestaltes) en van die sakramente, sowel as die toerusting van gelowiges vir die deelname van die kerk aan die werk van God in sy wêreld.

9.2 Die predikant is geroep om die Woord van God te bestudeer, onderrig daarin te gee en dit oral te verkondig; om die sakramente te bedien en om saam met en vir die gemeente te bid en 'n navolger van Christus te wees op so 'n manier dat ander hom / haar kan navolg (soos geamendeer JHG Gous/ GF Claassen).

9.3 Die amp van die predikant funksioneer binne 'n gemeente of as deel van dienswerk van die kerkverband in die wêreld.

9.4 In gemeentes aanvaar die predikant veral verantwoordelikheid vir die prediking en die bediening van die sakramente. Die predikant is, saam met die ander ampte, verantwoordelik vir:

- die diens van die gebede,
- eredienste,
- onderrig en toerusting,
- opbou van die gemeente,
- die gemeente se dienswerk in die wêreld,
- leiding en organisering van die gemeente,
- uitoefening van Christelike liefde en tug,
- pastorale versorging.

Kerkrade onderskei, saam met die predikant, oor die wyse waarop dié roeping en verantwoordelikhede, in lyn met bepaalde begaafdhede, uitgeleef word en vervat dit in 'n diensooreenkoms.

9.5 Die predikant neem ook deel aan die gesamentlike bediening van die kerkverband in die onderskeie kerklike vergaderinge en ekumeniese verhoudings.

9.6 As deel van die dienswerk van die kerkverband aan die wêreld tref die kerkverband reëlings oor wyses waarop die predikant deelneem aan die werk wat God in Christus deur sy Gees in die wêreld doen.

Kerkverband

21.3 ARTIKEL 11 (vgl Aanvullende Verslae bl 18, A.3.4.1 Algemene Taakspan Regte pt 4 asook T.7.3 Derde Verslag van die Tydelike Regskommissie bl 2 pt 2) (Notule bl ...)

Wysig Artikel 11 om te lui:

11.1. Predikante kan die kerkdiens slegs om ernstige en gewigtige redes verlaat. Hulle hou op om predikant te wees indien hulle hul gemeente of werkkring in die kerkverband verlaat om 'n ander betrekking te aanvaar. Hulle kan egter vooraf van die ATR verlof ontvang om hulle bevoegdheid as proponent te behou.

11.2. Sodanige behoud van die bevoegdheid kan alleen verleen word indien die betrekking wat hulle aanvaar, 'n geestelike karakter dra wat regstreeks met die verkondiging van die Woord in verband staan en ten bate van die Nederduitse Gereformeerde Kerk geag word.

11.3. Indien daar ander gewigtige redes is, kan sodanige behoud van die bevoegdheid alleen verleen word indien die ATR, op grond van aanbevelings van die kerkrade en die ring, oordeel dat daar genoegsame bona fide¹ redes is om 'n ander betrekking² te aanvaar.

Besluit by Artikel 11

11b1 Dit staan kerkrade vry om predikante vir 'n bepaalde termyn en vir 'n bepaalde taak te beroep in gevalle waar dit nie gaan om 'n permanente pos nie maar om die gemeente se bedieningsbehoefes..

11b2 'n Emeritus, ouer as 65 jaar maar jonger as 70 jaar, kan met die goedkeuring van die ring, vir 'n bepaalde termyn en 'n bepaalde taak beroep word.

11b3 Die termynbepaalde pos word geskep met approbasie/goedkeuring van die Ring/Ringskommissie wat die meriete daarvan moet oorweeg.

11b4 Aan die einde van die termyn behou so 'n persoon die bevoegdheid wat hy/sy gehad het voor hy/sy in die pos bevestig is.

Kerkverband/ ATR

21.4 ARTIKEL 63 (vgl Agenda Deel I B.3 Beskrywingspunte B.3.2 (Wes- en Suid-Kaap) bladsy 495, Agenda Deel II bl 19, Aanvullende Verslae A.3.4.1 bl 21 pt 8 asook T.7.1 Eerste Verslag van die Tydelike Taakspan Regte bl 13 pt 5.1) (Notule bl ...)

Die Algemene Sinode besluit om die volgende punt by Kerkorde Artikel 63 te voeg:

63.3.1.7 Indien 'n ampsdraer voor of tydens 'n ondersoek na aanleiding van 'n tugklag of gerug teen hom/haar bedank, die bevoegde kerkvergadering voortgaan om die ondersoek te hanteer en die nodige besluit(e) te neem."

Kerkverband

21.5 BEDANKING VAN 'N LERAAR – REGLEMENT 3 PT 6.1.4 (vgl Aanvullende Verslae bl 18, A.3.4.1 Algemene Taakspan Regte pt 4 asook T.7.3 Derde Verslag van die Tydelike Regskommissie bl 2 pt 2) (Notule bl ...)
(Vgl by Artikel 11 hierbo)

21.6 BEDIENINGSBEVOEGDHEID (vgl Agenda Deel I bl 326, A.3.4.1 Verslag van die Algemene Taakspan Regte pt 1.2.3 asook Agenda Deel II bl 23) (Notule bl ...)

Die Algemene Sinode besluit op versoek van die ATR om 'n klein taakspan van kundiges aan te wys en om daarvoor te begroot, met die doel om 'n omvattende ondersoek te doen na:

- 1. Alle sake rakende die toetrede tot die bediening en die behoud van bedieningsbevoegdheid;**
- 2. Die problematiek rondom die predikant "as werknemer van die kerkraad" aan die een kant en sy/haar ampsbevoegdheid kragtens sy legitimasie en bevestiging aan die ander kant;**
- 3 Of daar seker bedieningstake (bv. Sakramentsbediening) slegs aan die bevestigde leraar toevertrou kan word en of sodanige take ook deur nie-bevestigde leraars uitgevoer mag word;**
- 4. die moontlikheid van verskillende kategorieë van predikante, beide wat opleiding, legitimasie en verantwoordelikhede betref;**
- 5. Verdere sake deur die Algemene Sinode geïdentifiseer.**
- 6. Hierdie ondersoek moet spoedeisend afgehandel word met verslag en afdelingsbevoegdheid aan die Moderamen.**

ATR/ Moderamen

21.7 DOWE: TOELATING VAN TOT DIE AMP (vgl Aanvullende Verslae bl 19 - 21, A.3.4.1 Algemene Taakspan Regte pt 7) (Notule bl ...)

Die Algemene Sinode neem kennis dat AKTO aandag aan die saak gegee en na die kuratorium van Stellenbosch verwys het. Die ATR wys die skrywers daarop dat die moontlikheid van legitimasie met beperkings bestaan en dat die ATR elke aansoek op meriete oorweeg.

AKTO/ ATR

21.8 EMERITI: BEROEPING VAN (Vgl Aanvullende Verslae bl 19, A.3.4.1 Algemene Taakspan Regte pt 6) (Notule bl ...)
(Vgl by Artikel 11 en Bedanking van 'n leraar hierbo)

21.9 GEESTELIKE WERKERS: BEVOEGDHEID VAN (vgl Agenda Deel I B.3 Beskrywingspunte (Namibië) bl 495, Agenda Deel II bl 19 asook T.7.2 Tweede Verslag van die Tydelike Taakspan Regte bl 3 pt 2.2) (Notule bl ...)

Die Algemene Sinode wys die Namibiese Sinode daarop dat beperkte bevoegdheid deur die ATR verleen kan word op grond van 'n motivering daarvan deur die betrokke Sinode by die ATR.

Sinodes/ ATR

21.10 HUWELIKSBEVESTIGERS (vgl Agenda Deel I bl 287, A.3.2 Verslag van die Algemene Diensgroep vir Gemeente-ontwikkeling pt 6.2 (vgl ook ADGO Bylaag 6 bl 313) asook Agenda Deel II bl 23)

1 Die Sinode besluit dat die huweliksdienste nie 'n gewone samekoms van die gemeente (erediens) onder leiding van die ampte is nie. Die persone by 'n huweliksluiting kom nie as gemeente van God met die oog op 'n openbare erediens saam nie.

2 Die Sinode besluit dat die leraar as individuele lerende ouderling pastoraal optree by die huweliksbevestiging en dat die toesig van die ander ampte nie noodsaaklik is nie.

3 Die Sinode beklemtoon dat die Bybelse eise met betrekking tot die huwelik suiwer moet weerklink met die huweliksvoorbereiding, -bevestiging en begeleiding binne die dampkring van die kerk as gemeenskap van die gelowiges. Gesien teen hierdie agtergrond kan die huwelik van belydende lidmate van 'n gemeente nie maar bloot deur enige persoon wat staatsregtelik daartoe bevoeg is, bevestig word nie. Dit bly die taak van die bevoegde bedienaar van die Woord.

4 Die Sinode besluit dat verdere ondersoek gedoen word oor 'n kerklike huweliksinsesing (geestelike ooreenkoms) as genoegsame verbintenis vir gelowiges om saam te woon en of die staat se wetlike ooreenkoms noodsaaklik is (Gesien teen die agtergrond van byvoorbeeld bejaardes wat verplig word om saam te woon omdat mediese en pensioenvoordele in 'n volgende staatsregtelike huwelik verbeur word).

Kerkverband/ ATR tov pt 4

21.11 KERKLIKE TRIBUNALE (vgl Agenda Deel I bl 331, A.3.4.2 Verslag van die Algemene Taakspan Regte pt 1.4.7, Agenda Deel II bl 24 asook Aanvullende Verslae bl 16, A.3.4.1 Aanvullende Verslag van die

ATR pt 1) (Notule bl ... en vir amend)

1. Die Algemene Sinode besluit dat die Verslag oor Kerklike Tribunale vir bespreking na die sinodes (met die versoek dat hulle verder raadpleeg in die sinodale gebied) verwys word vir kommentaar aan die ATR, met verslag aan die volgende vergadering van die Algemene Sinode. Die saak moet ook via die ASM met die NG kerkfamilie en die kerke binne die TKR bespreek word.

2. Die Algemene Sinode:

2.1 besluit dat, naas die bespreking en besinning deur sinodes, die reglement vir die Kerklike Tribunaal ook proefondervindelik getoets moet word;

2.2 gee gevolglik opdrag aan die ATR om twee sinodes te vind wat bereid is om ondersoek wat volgens KO artikels 12 en 59-66 gedoen sou word en wat die bedieningsbevoegdheid van predikante raak, volgens die voorgestelde Reglement vir die Sinodale Tribunaal te doen en om oor-en-weer as appèlliggame op te tree;

2.3 gee opdrag aan die ATR om die proefondervindelike aksies te monitor met gereelde verslag aan die ASM.

Sinodes/ ATR/ Moderamen/ Interim Kerkhereniging/ TKR

21.12 KERKLIKE TRIBUNALE (vgl T.7.5 bl 1 pt 2) (Notule bl ...)

Die Algemene Sinode besluit:

1. om die Sinode van Wes-Transvaal en die Noordelike Sinode te versoek om aan die hand van die voorgestelde Reglement vir Tribunale (slegs vanaf punt 2, Agendaboek I bladsy 333) ondersoek wat die bevoegdheid van predikante raak, proefondervindelik te implementeer;

2. om opdrag aan die ATR te gee om na gelang van omstandighede in die proefperiode enige wysiginge aan die voorgestelde reglement aan te bring met goedkeuring deur die ASM;

3. om ter wille van die proeftydperk die volgende aanpassings te maak aan die Reglement vir die duur van die proefperiode:

3.1 punt 2.6 – vervang AT met ATR

3.2 punt 3 – vervang telkens AT met ATR

4. om die twee deelnemende sinodes te versoek om die ATR gereeld op hoogte te hou van die prosesse/ondersoek;

5. om, in die lig van Kerkorde Art 45.2, Artikels 12, 59-66 wat betrekking het op die predikant se bedieningsbevoegdheid, vir die deelnemende sinodes op te skort tot die volgende vergadering van die Algemene Sinode;

6. dat die Sinodale Tribunaal eers in die betrokke sinodes sal geld nadat elke betrokke sinode die reglement asook deelname aan die proefneming, goedgekeur het; en

7. om opdrag aan die ATR te gee om regsadvies in te win oor die geldigheid van sodanige proefneming.

ATR/ Noordelike Sinode/ Wes-Transvaal

21.13 KONTRAKPOSTE (vgl Agenda Deel I bl 338 pt 2 asook Aanvullende Verslae bl 16-17, A.3.4.1

Algemene Taakspan Regte pt 3) (Notule bl ...)

Die Algemene Sinode neem kennis van die stuk en versoek die ATR om 'n reglement vir termyn- en taakbepaalde poste voor te berei.

ATR

21.14 PREDIKANTE A-Z (vgl Aanvullende Verslae bl 21 A.3.4.1 pt 10) (Notule bl ...)

1. Die Algemene Sinode neem kennis dat in die bespreking van hoofstuk 6 van die Predikante A-Z Agtergrond, die verslag oor Ekklesiologie (Agenda 44-56) in berekening gebring moet word.

2. Die Algemene Sinode neem ook kennis dat in die bespreking van hoofstuk 6, die sake ter sprake omvattende ekklesiologiese en daarom ook diepgaande kerkordelike implikasies het.

3. Die Algemene Sinode besluit dat hoofstuk 6 van die Predikante A-Z: Beleidsagtergrond saam met die verslag oor Ekklesiologie vir verdere studie na ADGO en die ATR verwys word.

4. Die Algemene Sinode besluit dat die saak ook via die ASM met die NG Kerk-familie en die kerke binne die TKR bespreek word.

ADGO/ ATR/ Moderamen/ Interim Kerkhereniging/ TKR

21.15 PREDIKANTE A-Z (vgl Agenda Deel I bl 132, A.3.1 Verslag van die Moderamen pt 4.3 (vgl Moderamen Bylaag 3 bl 232), Agenda Deel II bl 21 asook Aanvullende Verslae A.3.1 bl 10) (Notule bl ...)

1. Die Algemene Sinode keur die A-Z Handleiding en Beleid goed met inagneming die besluit tov hoofstuk 6.

2. Die Algemene Sinode keur die aanbevelings tov die inwerkingstelling/ strategie van die A-Z in Afdeling C goed:

1. MOONTLIKHEDE EN UITKOMSTE VAN DIE INWERKINGSTELLING VAN DIE BELEID

Die volgende word as moontlike medium- en langer-termyn uitkomst en voordele aanvaar:

1.1 Die beleid kan roepingsherstel dien.

- 1.2 Dit kan lei tot meer effektiewe bediening.
- 1.3 Dit kan bedieningsvreugde dien en onderhou.
- 1.4 Dit kan teologiese refleksie herstel en bevorder
- 1.5 Dit kan die gehalte van dominees net nog meer verbeter en dien
- 1.6 Dit kan korporatiewe eienaarskap vir die bediening deur die predikante korps bevorder
- 1.7 Dit kan onderlinge ondersteuning bevorder
- 1.8 Dit kan die verdieping en verbreding van teologiese denke in die NG kerk bevorder
- 1.9 Dit kan dinamiese, gemeenskapsgerigte gemeentes vorm en bemagtig
- 1.10 Dit kan gemeentes blootstel aan mense in teologiese opleiding

2. STRATEGIE

- 2.1 Die Algemene Sinode erken en bevestig dat die beleid slegs kan slaag wanneer sinodes, ringe en gemeentes eienaarskap vir die inwerkingstelling aanvaar.
- 2.2 Die Algemene Sinode bevestig dat hierdie beleid slegs deur 'n proses van oorlegpleging met alle rolspelers in werking gestel kan en sal word.
- 2.3 Die Algemene Sinode versoek die A-Z Taakgroep om alle belangegroeppe saam te roep (2.3) ten einde saam na te dink oor die beste wyse van die inwerkingstelling in die NG Kerk met besondere verwysing na die befondsing in gevalle waar plaaslike gemeentes nie self tot sodanige opleiding kan bydra nie.
- 2.4 Die Algemene Sinode versoek sinodes om vir hierdie byeenkoms een persoon aan te wys wat saam met die Algemene Sinode se taakgroepe vir Predikantebelange, Bybelmedia, ADGO, VTO-Forum en die saakgelastigdes van sinodes hierdie besinning te doen.
- 2.5 Die Algemene Sinode suggereer die volgende weg nadat voorafgaande plaasgevind het:
 - 2.5.1 Die saamstel van sinodale taakspanne wat leiding kan neem om die beleid na ringe en gemeentes deur te voer.
 - 2.5.2 Padberade deur die sinodale leierskap (soos deur sinodes besluit)
 - 2.5.3 Ringswerkwinkels wat kan saamval met die padberade
 - 2.5.4 Aandag aan die opleiding van en voorligting aan Diensverhoudingskommissies

Kerkverband/ Taakspan A-Z/ Sinodes/ ATPB/ AKTO/ BM

21.16 PREDIKANTE A-Z (vgl T.7.5 bl 2 pt 3) (Notule bl ...)

- 1. Die Algemene Sinode besluit dat geen Kerkorde-wysiging as gevolg van die aanvaarding van die A-Z Beleid op hierdie stadium aangebring word nie, maar dat die periode tot by die volgende vergadering van die Algemene Sinode sal dien as infasseringstydperk. Die ATR sal die volgende Algemene Sinode bedien met voorstelle vir Kerkordewysiging.
- 2. Die Algemene Sinode neem kennis dat die aanvaarding van die A-Z beleid die volgende moontlike Kerkordelike implikasies inhou:
 - a KO Art.3 met die oog op Beleid punt 1.3
 - b KO Art.5 met die oog op Beleid punt 2, 4.5
 - c KO Art.6 met die oog op Beleid punt 8.1.1
 - d KO Art.7 met die oog op Beleid punt 10
 - e KO Art.8 met die oog op Beleid punt 11
 - f KO Art.9 met die oog op Beleid punt 1.4
 - g KO Art.10 in die lig van die missionêre ekklesiologie (Sien ook Regl.3-1.3; Funksionele besluit 16)
 - h KO Art.11 met die oog op Beleid punt 7
 - i KO Art.12 met die oog op Beleid punt 7.3, 9
 - j KO Art.13 met die oog op Beleid punt 5, 8
 - k KO Art.14 met die oog op Beleid punt 11
 - l KO Regl.3 (die A-Z Beleid kan met aanvulling uit die bestaande Regl.3 hierdie reglement vervang. Die plek van die ring na ordening tot by die beroeping van die predikant moet kerkordelik verreken word)
 - m KO Regl.12 & 19 (Jeugwerkers & Tentmakers – hang saam met die ontwikkeling van die ampsbegrip)
 - n KO Regl.14 (Opleiding & Legitimasië – in die lig van Beleid punte 5 en 6),
 - o KO Regl.20 (AKTO – in die lig van Beleid punt 4.5)
 - p KO Regl.25 (Diensverhoudinge – in die lig van Beleid punt 9)
 - q KO Regl.27 (AKPB – in die lig van Beleid punte 7,8)

ATR

21.17 PREDIKANTE A-Z HANDLEIDING (vgl Agenda Deel I bl 352, A.3.5 Verslag van die Algemene Taakspan Teologiese Opleiding pt 5.2) (Notule bl ...)

Die Algemene Sinode versoek AKTO om so spoedig moontlik al die aanvaarde voorstelle rakende teologiese opleiding van die A-Z Handleiding ten uitvoer te bring by die drie opleidingsentra van die kerk in samewerking met die onderskeie kuratoria en fakulteite.

AKTO

21.18 PREDIKANTEBEDIENING (vgl Agenda Deel I bl 286, A.3.2 Verslag van die Algemene Diensgroep vir Gemeente-ontwikkeling pt 3.3 (vgl ook ADGO Bylaag 3 bl 306) asook Agenda Deel II bl 23) (Notule bl ...)

Die Algemene Sinode neem met waardering kennis van die werk wat gedoen is ten einde die Bedieningsvreugdemodel te konkretiseer en te implementeer.

21.19 PREDIKANTE IN DIENS VAN KINDERHUISE EN ANDER SODANIGE INSTELLINGS (vgl Agenda Deel I bl 343, A.3.4.1 Verslag van die Algemene Taakspan Regte pt 12.3 asook Agenda Deel II bl 23) (Notule bl ...)

Die Algemene Sinode neem kennis van die verslag.

21.20 PREDIKANTE VERBONDE AAN DIE WBG (vgl Agenda Deel I bl 344, A.3.4.1 Verslag van die Algemene Taakspan Regte pt 14.2 asook Agenda Deel II bl 23) (Notule bl ...)

Die Algemene Sinode neem kennis van die verslag.

21.21 PROPONENTE: BEVOEGDHEID VAN PROPONENTE TOV SAKRAMENTE (Vgl Aanvullende Verslae bl 16, A.3.4.1 Algemene Taakspan Regte pt 2) (Notule bl ...)

Die Algemene Sinode neem kennis dat die ATR na ontvangs van die verslag van die ADGO na bevind van sake sal handel.

ADGO/ ATR

21.22 SABBATSJAAR VIR PREDIKANTE (Notule bl ...)

Die Algemene Sinode dra dit aan AKPB /ATR op om die konsep van 'n Sabbatsjaar vir predikante as sinvolle aanwending van langverlof te ondersoek en indien werkbaar na goeddunke te implementeer.

ATPB/ ATR

21.23 WOORDBEDIENING MET BEHOUD VAN BEDIENINGSBEVOEGDHEID (vgl Agenda Deel I bl 326, A.3.4.1 Verslag van die Algemene Taakspan Regte pt 1.3.3 asook Agenda Deel II bl 23) (Notule bl ...)

Die Algemene Sinode beskou die A-Z se verslag as uitvoering van die opdrag

22. REGLEMENTE

22.1 HERSIENING VAN REGLEMENTE (Vergelyk Aanvullende Verslae bladsy 44 – 64, pt 3.2 bl 64 asook T.7.4 Vierde Verslag van die Tydelike Regskommissie. T.7.4 vervang die reglemente van ADGO en ADD in die Aanvullende Verslae. Die reglement van ADO verval aangesien die Diensgroep verval.) (Notule bl ...)

1. Die Algemene Sinode keur die volgende reglemente goed: ADGO, ADD, en AKAI.

2. Die bestaande Reglement 5 en 17 verval en word vervang deur die Reglement vir die ADD.

3. Bestaande Reglement 8, 10 en 26 verval en word vervang deur die Reglement vir die ADGO.

4. Die reglement vir die ATBV is reeds gewysig en deur die ASM goedgekeur en sal in die nuwe Kerkorde opgeneem word.

5. Bestaande Reglement 6 is aangevul met bepalinge oor nuwe gemeente ontwikkeling wat reeds deur die ASM goedgekeur is.

6. Bestaande Reglement 11 is aangevul met bepalinge oor die personeel wat deur die ASM goedgekeur is.

7. Bestaande Reglement 12.7 word gewysig om soos volg te lui: "Die Kerklike Jeugwerkersvereniging doen verslag aan die ADGO."

8. ATR word versoek om Kerkorde Reglement 19 in samewerking met die ADGO te hersien.

Spesifieke ondersoek moet ingestel word na die bestaande beperking dat die skep en omskep van poste beperk is tot finansiële behoeftes, en of bedieningsbehoefte nie ook 'n oorweging behoort te wees nie.

9. Die ATR word versoek om die numerering van die reglemente aan te pas in die nuwe Kerkorde.

10. Die Algemene Sinode verwys die reglement van die GDN na die ATR, en die ATR sal intussen nog inligting van die GDN inwin.

11. Die Algemene Sinode versoek die ATR om die nodige regstellings in die betrokke reglemente te maak ten opsigte van die verwysings na die verandering van personeel rondom kundiges en Universiteitspersoneel.

ADD/ ADGO/ AKAI/ GDN/ Moderamen

22.2 REGLEMENT: MODERAMEN (vgl Aanvullende Verslae A.6.4.1 pt 3 bl 63-64) (Notule bl ...)

Die Algemene Sinode besluit om die Reglement: Moderamen van die Algemene Sinode (ASM) soos gewysig goed te keur

Moderamen

22.3 REGLEMENT 14 (vgl T.7.1 bl.1-8, pt 2) (Notule bl ...)

Die Algemene Sinode besluit om Kerkorde Reglement 14, soos gewysig, goed te keur

Kerkverband

22.4 REGLEMENT VIR DIE ALGEMENE TAAKSPAN REGTE: WYSIGING VAN 3.7 (vgl Notule bl ...)

Die Algemene Sinode wysig 3.7 van Reglement vir die Algemene Taakspan Regte soos volg:

(Die kommissie) beslis, na oorweging van 'n aanbeveling van 'n kerkvergadering of 'n predikant/ proponent se reg om beroep te word, opgeskort moet word (vgl. KO Art. 64.5.4.2) of dat sy/haar ampsbevoegdheid beëindig moet word (vergelyk art. 64.5.4.3). Persone wat geraak word deur die aanbevelings van tugvergaderings wat betref die opskorting/verlies van hulle ampsbevoegdheid, kan hulle by wyse van skriftelike versoë tot die ARK rig voordat die ARK 'n besluit neem.

Die ATR is nie 'n hersieningsliggaam wat die meriete van die tugondersoek moet nagaan nie. Die ATR gaan die kerkvergadering se verslag na om te bepaal of

- * daar aan die kerklike vereistes vir 'n tugondersoek voldoen is;**
- * die bevinding behoorlik uiteengesit is;**
- * die tugmaatreëls behoorlik gemotiveer is.**

ATR

22.5 REGLEMENT VIR DIE ALGEMENE TAAKSPAN REGTE: BYVOEGING VAN NUWE 3.8 (vgl Notule bl ...)

Die Algemene Sinode besluit om 'n nuwe 3.8 tot die Reglement van die Algemene Taakspan Regte toe te voeg:

(Die kommissie) het die reg nav 3.7 (hierbo) om 'n tugondersoek na die betrokke kerkvergaderings terug te verwys indien die ATR oordeel dat die ondersoek nie voldoen aan die kerklike vereistes en beginsels van natuurlike geregtigheid nie.

ATR

22.6 VERENIGDE DIENSGROEP DIENS EN GETUIENIS (vgl T.7.1 bl 12 pt 4.14) (Notule bl ...)

Die Algemene Sinode wys die AKGA daarop dat hul reglement aan die ATR voorgelê moet word vir aanbeveling by die ASM vir goedkeuring.

AKGA/ ATR/ Moderamen

23. ROEPING

23.1 GEREFORMEERDE IDENTITEIT (vgl Agenda Deel I, bl 10 en bl 17 (pt 4), A.1.1 Verslag van die Moderamen pt 11.1 (Moderamen Bylaag 1 bl 11) asook Agenda Deel II bl 8 pt 4) (Notule bl ...)

1 Die Algemene Sinode aanvaar die uitgangspunte in die verslag “Gereformeerde Identiteit” as riglyn vir ons beskouing oor ons Gereformeerde identiteit.

2 Die Algemene Sinode versoek sinodes om hierdie dokument deur te stuur na kerkrade vir oriëntasie van die plaaslike bediening.

Kerkverband/ Sinodes/ Taakspanne/ Diensgroepe

23.2 GEREFORMEERDE KARAKTER: NG KERK (vgl Agenda Deel I, bl 10, A.1.1 Verslag van die Moderamen, pt 10.3 asook Agenda Deel II bl 8 pt 3) (Notule bl ...)

1. Die Algemene Sinode wys leraars en kerkvergaderings daarop dat daar 'n kerklike weg is om besware en klagtes oor leersake te hanteer.

2. Die Algemene Sinode moedig die hele kerkverband aan om moeite te doen om geleenthede te skep vir en betrokke te raak by gesprekke oor sake wat die Skrif en ons belydenis raak.

Kerkverband

23.3 ROEPINGSVERKLARING VAN DIE ALGEMENE SINODE 2007 (vgl Agenda Deel II, bl 4 pt 12.1 10 en bl 30) (Notule bl ...)

Ons besef opnuut God roep die NG Kerk deur sy Woord en Gees om aan Hom te behoort. Christus, die Hoof van die kerk, stuur ons om ons roeping te gehoorsaam en ons daaraan toe te wy:

(a) Om met 'n leerbare gees die wil van God deur sy Woord te leer ken en uit te leef in die uitdagende en komplekse wêreld waarin ons lewe.

Ons is daarvan oortuig dat slegs die evangelie van Jesus Christus mense op die pad van verlossing, versoening en lewende hoop plaas. Daarom wil ons die Woord van die Here tydig en ontydig verkondig, as profete optree en oral getuienis aflê van die hoop wat in ons leef.

(b) Om voortdurend in liefde na mekaar te luister en in ons vertroue van mekaar te groei.

Bewus van ons diversiteit, verbind ons ons aan groter eenheid tussen gemeentes, aan die hereniging van die kerkfamilie, asook aan die versterking van ons ekumeniese bande. Ons wil graag met alle

ander Christene saamwerk om veilige ruimtes te skep waarbinne ons eerlik met mekaar kan praat en bly praat.

(c) Om in deernis met ander saam te leef.

Ons word deur God geroep as deel van sy liggaam in Afrika. Ons is dankbaar vir alle positiewe ontwikkelinge op ons kontinent, waaronder die snelle groei van die Christelike geloof. Daar is ook vele tragiese verhale van geweld, misdaad, armoede, hongersnood en die gevolge van MIV-Vigs. Ons betuig ons meegevoel aan die talle slagoffers hiervan en wil meewerk aan genesing vir mens, dier en omgewing. God roep en stuur sy kerk om 'n verskil te maak. Ons verseker alle owerhede van ons voorbidding.

(d) Om met openheid onvoorwaardelik diensbaar te wees in die wêreld.

Ons wil graag met alle ander Christene hande vat om ons samelewings op te bou en pynlike omstandighede te verlig. Ons wil mekaar as gemeentes en leiers met liefde aanspoor, begelei en toerus om by die genesing van ons lande betrokke te raak. Ons is beskikbaar en is verbind tot diens aan gemeenskappe. Ons dank die Here vir die toewyding van lidmate en die talle positiewe aksies waarvan ons oral hoor. As gestuurde gelowiges is ons sout van die aarde en lig vir die wêreld. Ons staan in diens van die koms van God se koninkryk.

Ons buig voor die Here. Ons is hier. Ons is sy kerk. Ons is gestuurdes.

Aan God al die eer.

Kerkverband/ Diensgroepe/ Taakspanne

23.4 ROEPINGSVERKLARING (2007): IMPLEMENTERING (vgl Agenda Deel I bl 375, A.4.2 Verslag van die Algemene Diensgroep Diens en Getuienis, pt 1.8 asook Agenda Deel II bl 8 pt 2) (Notule bl ...)

Die Algemene Sinode:

1. Wys 'n ad hoc-taakspan aan bestaande uit verteenwoordigers van al die diensgroepe om 'n omvattende, geïntegreerde beleidsdokument waarin 'n strategie vir die implementering van die kerk se roeping in die Suider-Afrika konteks soos dit verwoord is in die Verklaring (2007), voor te berei. Die vorige opdragte rakende strategieë vir armoedebestryding, die bekamping van misdaad en geweld, die MIV en Vigsstrategie (die Goeie Herder-strategie) moet ook in die beleidsdokument opgeneem word.
2. Versoek die Moderatuur om met die ander drie kerke te onderhandel sodat dit 'n gesamentlike projek sal wees waarin die Verenigde Diensgroep Diens en Getuienis die leiding neem.
3. Gee opdrag dat die taakgroep so gou moontlik 'n vorderingsverslag aan die ASM voorlê.

Moderamen/ VDDG

23.5 "SEISOEN VAN EVANGELISASIE": BEDIENING AAN KERKLOSLIDMATE EN EVANGELISASIE

(vgl Agenda Deel I bl 42, A.1.2 Verslag van die Algemene Diensgroep vir Gemeente-ontwikkeling pt 4.2 (ADGO Bylaag 4 bladsy 68) asook Agenda Deel II bl 9 pt 2) (Notule bl ...)

1. Die Algemene Sinode keur hierdie studiestuk as gespreksdokument goed en gee opdrag aan ADGO en ADD om seker te maak dat navorsing en gesprek in dié verband voortgaan.
2. Die Algemene Sinode keur goed dat die Seisoen van Luister in 2010 verder gevoer word deur 'n "Seisoen van Evangelisasie" uit te roep. Nie alleen moet daar dan met soveel as moontlik vennote saamgewerk word om 2010 'n besondere jaar in ons land se geskiedenis en die Koninkryk van God te maak nie, maar behoort daar ook byvoorbeeld materiaal ontwikkel te word wat na 2010 goed gebruik kan word.
3. Die Algemene Sinode keur goed dat die spesifieke naamgewing vir die seisoen later gedoen word.
4. Die Algemene Sinode wys vir die doel 'n uitgebreide taakgroep aan wat soos volg saamgestel word:
Verteenwoordiging van die ADGO;
Verteenwoordiging van die ADD;
Verteenwoordiging van die VGKSA, RCA en NGKA;
Verteenwoordiging van FIM;
Verteenwoordiging van relevante mobiliseringsorganisasies soos SAVGG en Kingfisher;
Verteenwoordiging van die Teologiese Fakulteite en VTO's;
Ander ekumeniese verteenwoordiging.
5. Die taakgroep Nuwe Gemeente-ontwikkeling, Evangelisasie en Kerkplanting (NEK) word as sameroeper aangewys.
6. Die Algemene Sinode dra dit aan die dagbestuur van ADGO en ADD op om begrotings- en ander logistieke detail uit te klaar.
7. Die Algemene Sinode versoek die Moderamen om aan hierdie verslag aandag te gee.

Moderamen

23.6 WÊRELDSEKER-SOKKERTOERNOOI 2010 (vgl Agenda Deel I bl 324, A.3.3 Verslag van die Algemene Diensgroep Diens en Getuienis pt 3.2 asook Agenda Deel II bl 18) (Notule bl ...)

Die Algemene Sinode dra dit aan die ADD op om gereeld tersaaklike inligting in die verband aan sinodes te stuur en aan sinodes leiding te gee oor hoe gemeentes by die projek betrokke kan raak.

ADD

23.7 SEISOEN VAN LUISTER (vgl Agenda Deel I bl 5, A.1.1 Verslag van die Moderamen, pt 3.7 asook Agenda Deel II bl 11 pt 1) (Notule bl ...)

Die Algemene Sinode besluit om die “Seisoen van Luister” heelhartig te ondersteun en sinodes aan te moedig om die geleentheid te benut om met nuwe toegespitsheid na God, mekaar en die wêreld waarin ons leef, te luister.

Sinodes

23.8 VISIONÊRE TAAKSPAN – PROSESSE (vgl Agenda Deel I bl 9, A.1.1 Verslag van die Moderamen, pt 7.2.5 asook Agenda Deel II bl 11 pt 3) (Notule bl ...)

1. In die lig van die ontwikkelinge binne die prosesse van die algemene sinodale verband besluit die Algemene Sinode om nie weer 'n Visionêre Taakspan te benoem nie.

2. Die Algemene Sinode dra die hantering van die visioenêre prosesse wat by die Taakspan tuisgehoort het, aan die Moderamen op.

3. Die Algemene Sinode besluit om 'n koördineringsliggaam te skep wat jaarliks vergader om die bediening en prosesse binne die hele sisteem van die Algemene Sinode te koördineer, integreer, evalueer en implementeer in terme van die roepingsverklaring en besluite van die Algemene Sinode. Die liggaam bestaan uit verteenwoordigers van die dagbesture van die diensgroepe en steundienste. Die GDN hoort funksioneel hier. Die Koördineringsliggaam rapporteer aan die Moderamen.

Moderamen

23.9 VISIONERING EN ROEPINGSONTWIKKELING (vgl Agenda Deel I bl 3, A.1.1 Verslag van die Moderamen, pt 2.3 asook Agenda Deel II bl 8 pt 1) (Notule bl ...)

Die Algemene Sinode dra dit aan die Moderamen op om deurlopende visionering en roepingsontwikkeling vanuit die besluite van die Algemene Sinode, soos in die opdrag van die Moderamen vervat, 'n prioriteit in sy werksaamhede te laat wees.

Moderamen

24. TEOLOGIESE OPLEIDING

24.1 ALTERNATIEWE BANE (vgl Agenda Deel I bl 352, A.3.5 Verslag van die Algemene Taakspan Teologiese Opleiding pt 8.2 asook Agenda Deel II bl 24) (Notule bl ...)

Die Algemene Sinode versoek AKTO en die ATR om voort te gaan en moontlike alternatiewe bane van opleiding te ondersoek en daarvoor met die Familie van NG Kerke in gesprek te bly.

AKTO/ ATR/ Interim Kerkhereniging

24.2 A-Z HANDLEIDING (vgl Agenda Deel I bl 352, A.3.5 Verslag van die Algemene Taakspan Teologiese Opleiding pt 5.2 asook Agenda Deel II bl 24) (Notule bl ...)

Die Algemene Sinode versoek AKTO om so spoedig moontlik al die aanvaarde voorstelle rakende teologiese opleiding van die A-Z Handleiding ten uitvoer te bring by die drie opleidingsentra van die kerk in samewerking met die onderskeie kuratoria en fakulteite.

AKTO

24.3 EENVORMIGE COLLOQUIUM DOCTUM (vgl Agenda Deel I bl 352, A.3.5 Verslag van die Algemene Taakspan Teologiese Opleiding pt 6.2 asook Agenda Deel II bl 24) (Notule bl ...)

Die Algemene Sinode neem met dank kennis van die eenvormige Colloquium Doctum.

AKTO

24.4 GRAADSTRUKTUUR (vgl Agenda Deel I bl 354, A.3.5 Verslag van die Algemene Taakspan Teologiese Opleiding pt 9.3 asook Agenda Deel II bl 24) (Notule bl ...)

Die Algemene Sinode versoek AKTO om omvattend - saam met die ander lede van die NG Kerkfamilie aan die kurrikulering en die graadstruktuur aandag te gee.

AKTO/ Interim Kerkhereniging

24.5 PROFIEL VAN GELEGITIMEERDE STUDENT (vgl Agenda Deel I bl 348, A.3.5 Verslag van die Algemene Taakspan Teologiese Opleiding pt 4.2 asook Agenda Deel II bl 23) (Notule bl ...)

Die Algemene Sinode keur die profiel as riglyn goed.

AKTO

24.6 PROFIEL VAN PAS-GELEGITIMEERDES - NG KERK-FAMILIE (vgl Agenda Deel I bl 351, A.3.5

Verslag van die Algemene Taakspan Teologiese Opleiding pt 4.3.4 asook Agenda Deel II bl 24) (Notule bl ...)

Die Algemene Sinode neem kennis van die profiel van pas gelegitimeerdes in die familie van NG Kerke.

AKTO

24.7 STELLENBOSCH 150 JAAR (vgl Agenda Deel I bl 354, A.3.5 Verslag van die Algemene Taakspan Teologiese Opleiding pt 11.2 asook Agenda Deel II bl 24) (Notule bl ...)

Die Algemene Sinode van die Nederduitse Gereformeerde Kerk is dankbaar vir die feit dat teologiese opleiding in 1859 in Stellenbosch 'n aanvang geneem het en die positiewe invloed wat dit oor al die jare in die Suid-Afrikaanse samelewing uitgeoefen het. Die fakulteit word sterkte toegebied vir die toekoms.

US/ Wes- en Suid-Kaapland

24.8 STUDENTEGETALLE (vgl Agenda Deel I bl 345, A.3.5 Verslag van die Algemene Taakspan Teologiese Opleiding pt 2.2 asook Agenda Deel II bl 23) (Notule bl ...)

Die Algemene Sinode neem met dank kennis van die groei in studentegetalle.

24.9 TWEDELOOPBAAN-STUDENTE (vgl Agenda Deel I bl 352, A.3.5 Verslag van die Algemene Taakspan Teologiese Opleiding pt 7.3 asook Agenda Deel II bl 24) (Notule bl ...)

Die Algemene Sinode verander par. 4.2.4 van Reglement 4 om te lui: "Die NG Kerk vereis dat persone wat toegelaat wil word tot die bediening ten minste die laaste drie jaar van die opleiding voltyds aan een van die kerklik-erkende opleidingsentra moet voltooi. In die geval van tweedeloopbaanstudente en ander hoogs uitsonderlike gevalle kan AKTO, op voorlegging van 'n kuratorium, hiervan afstand doen."

AKTO

24.10 VOORTGESETTE BEDIENINGSONTWIKKELING (VBO) (vgl Agenda Deel I bl 357, A.3.5 Verslag van die Algemene Taakspan Teologiese Opleiding pt 13.3 asook Agenda Deel II bl 24) (Notule bl ...)

1. Die Algemene Sinode keur goed dat daar voortaan van Voortgesette Bedieningsontwikkeling verwys moet word in plaas van Voortgesette Teologiese Opleiding. Waar nodig moet die toepaslike verwysings in die Kerkorde aangebring word.

2. Die Algemene Sinode bekragtig die dokument " BEHOUD VAN BEDIENINGSVAARDIGHEID EN – VREUGDE" as uitgangspunt vir die loodsfasie van voortgesette Bedieningsontwikkeling.

AKTO/ Sinodes

25. VROUE/ DIVERSITEIT

25.1 LESSENAAR VIR DIVERSITEIT (vgl Agenda Deel I, bl 126 en 135, A.3.1 Verslag van die Moderamen pt 2.2.3 (vgl ook Moderamen Bylaag 1 bladsy 133) asook Agenda Deel II bl 16) (Notule bl ...)

Die Algemene Sinode herhaal die opdrag.

Moderamen

25.2 POTENSIAAL VAN VROUE IN DIE NG KERK (vgl Aanvullende Verslag A.3.2 (laat) bl 10 pt 25) (Notule bl ...)

1. Die Algemene Sinode neem kennis van die navorsingsdokument waarna verwys word in Aanvullende Verslag A.3.2 (laat).

2. Die Algemene Sinode versoek sinodes om hierdie dokument as gespreksdokument in sinodes, ringe en gemeentes te hanteer.

Sinodes/ Algemene Taakspan Vrouelidmate

25.3 VROUELIDMATE (vgl Agenda Deel I bl 286, A.3.2 Verslag van die ADGO Taakspan Vrouelidmate pt 4.7 (vgl ook ADGO Bylaag 4 bl 310) asook Agenda Deel II bl 17) (Notule bl ...)

1 Die Algemene Sinode besluit dat die huidige Taakspan vir Vrouelidmate voortaan bekend sal staan as die Vrouelessenaar.

2. Die Algemene Sinode keur goed dat die Vrouelessenaar soos uiteengesit funksioneer.

3 Die Algemene Sinode keur goed dat die Vrouelessenaar die doelwitte en funksies soos uiteengesit, uitvoer.

4 Die Algemene Sinode versoek die Vrouelessenaar om 'n algemene beleid ten opsigte van vroue in die kerk op te stel vir voorlegging aan die Algemene Sinode.

5 Die Algemene Sinode keur goed dat die Vrouelessenaar die Ned Geref Kerk op ekumeniese, sowel as ander vroueforums verteenwoordig.

Algemene Taakspan Vrouelidmate